

杜
工
部
集

杜工部集卷之七

虞山蒙叟錢

謙益

箋註

古詩四十九首

居夔州作

八哀詩

并序八哀詩敘事歷歷氣象激昂自成一種風調是身史傳相表裏者

傷時盜賊未息興起王公李公歎舊懷賢終于張相國八公前後存沒遂不詮次焉

贈司空王公思禮

高麗是一篇的列傳也詩史之稱以此王童稚以人及沒身其人而才力具見矣

三意在嘆舊懷賢八哀中有敘述功勳者有正于懷文証者正于不詮次中見國慨之思

司空出東園童稚刷勁翮追隨燕薊兒穎銳物不隔服事哥舒翰意無流沙磧未甚拔行間因國大充斥短小精悍姿屹然強寇敵貫穿百萬衆出入由咫尺馬鞍懸將首甲外控鳴鏑洗劍青海水刻銘天

潼關之敗力為周旋

清河公二筆用意深婉

山石九曲非外蕃。其王轉深壁。飛兔不近駕。驚鳥資
遠擊。曉達兵家流。飽聞春秋癖。胸襟日沉靜。肅肅肅
自有適。潼關初潰散。萬乘猶辟易。偏裨無所施。元帥
見手格。太子入朔方。至尊符梁益。留馬纏伊洛。中原
氣甚逆。肅宗登寶位。塞望勢敦迫。一作公時徒步至。請
罪將厚責。際會清河公。間道傳玉冊。清河公房增也。時自蜀奉太上皇冊命至。諫上。
以為可收後効。遂釋之。天王拜跪卑。讜議果冰釋。翠華卷飛雪。一云飛雪中。
熊虎亘阡陌。屯兵鳳凰山。帳殿涇渭關。金城賊咽喉。
詔鎮雄所撫。禁暴清。一作靖。無雙爽氣春。漸歷巷有從。
公歌野多青青麥。及夫哭廟後。復領太原役。恐懼祿
位高。悵望王土窄。不得見清時。嗚呼就電窆。永一作空。繫

以不謂見清時為
惜而以大夫及
初見才之之類

五湖舟悲甚田橫客千秋汾晉間事與雲水白昔觀
如苑傳豈遊廉藹績一作嗟嗟一作鄧大夫士卒終倒戟

鄧景山為太原
子多車衆所殺

行間

恩禮營州城旁高麗人也父虔威為朔方將少習軍旅隨節度使
王忠嗣至河西與哥舒翰對為押衙及翰為隴右節度使恩禮與

中郎周必

甲外

鮮于注甲外軍陣之外也
有遊騎掠軍難什伍者

九曲

衛將軍十二載翰征
拔石堡城除石金吾

九曲恩禮後期欲引斬之續使命釋
之思禮徐言曰斬則斬却喚何物

偏裨

哥舒翰為元帥蔡元帥府
馬軍都將事偏與恩禮決

之
手格

安祿山事蹟翰至關津驛火拔婦仁帥諸將叩馬請降祿山翰
欲下馬遂以毛繩于馬腹連縛其脚控轡出驛翰怒握轡自禁

其喉又被牽轡摧馬
戰乾祐送于洛陽

塞望

夢弼曰言肅宗即位于靈武請罪
勉從勸進之請以塞人望也

行在恩禮與呂崇賁李承光並引于肅下責以不能堅守並從軍令或救
之可收後効遂斬承光而釋恩禮崇賁新書云宰相房琯諫以為可收後

効遂獨斬承光安祿山事蹟十六日玄宗幸蜀十七日至金城宿是夜王
恩禮自潼關至始知哥舒翰被擒以恩禮為河西隴右節度使即令赴鎮

舊新二書記恩禮肅下被釋與公詩合而通鑑載恩禮自
潼關至在次馬嵬驛之前又云即授節度使恐當有誤

屯兵

與房琯
為副使

盜賊未息而吾
二已遊北河以深
得也

便橋之戰不利除為關內節度使尋遣守武功賊將安守忠等來戰思禮
以其衆退守扶風賊游兵至太和關去鳳翔五十里鳳翔戒嚴上命郭子
儀以朔方之衆擊之而退金城袁宇記景龍四年送金城公主至始平縣因改爲金
城至德二載復爲興平思禮爲關內節度使鎮此黃
鵠以爲河西太原從廣平王收西京領兵先入清宮遷兵部尚書霍國
之金城謬矣公李光弼鎮河陽以恩禮爲太原尹北京留守河東
節度使貯軍糧百萬器械精銳尋加守司空鄧大夫思禮聽管崇嗣
自武德以來三公不居宰輔惟思禮而已代爲太原尹此
京留守數月召景山代崇嗣思禮立法嚴整士卒不敢犯景山以文吏見
稱至太原以鎮撫紀綱爲已任檢覆軍吏隱沒者軍衆憤怒遂殺景山

故司徒李公光弼廣德二年七月卒

司徒天寶末北收晉陽甲一作騎攻吾城愁寂意不
愜人安若泰山一作朔方氣乃一作蘇黎首見
帝業二宮泣西郊九廟起頽壓未散河陽卒思明僞
臣妾復自碣石來火焚乾坤獵高視笑祿山公又大
獻捷一云獻大捷異王冊崇勲小敵信所怯擁兵鎮河汴子

青煙何處
丁酉年
日

里初安帖青蠅紛徒作營營風雨秋一葉內省未入朝
死淚終映曉大屋去高棟長城埽遺堞平生白羽扇
零落蛟龍匣雅望與數晉英姿惻愴槐里接三軍晦光
彩烈士痛桐疊直筆在史臣將來洗箱篋吾思哭孤
冢南紀阻歸楫扶顛永蕭條未濟失利涉疲苒竟何
人洒涕巴東峽

晉陽

祿山之亂命郭子儀為朔方節度收兵河門玄宗倉卒良將委以河北河東之事以問子儀子儀薦光弼甚當關寄以光弼為雲中

太守充

河東節度副使潼關失守授戶部尚書兼太原尹北京留守史思

明等四

僞帥率眾十萬餘攻太原拒守五十餘日伺其怠出擊大破之斬

首七萬

餘級

河陽

思明殺慶緒即僞位被洛陽光弼率軍赴河陽大破賊眾斬萬餘級生擒八千餘人收懷州思明來救逆擊于沁水

之上又

敗之遂拔懷州生擒安太清周摯楊希文等送于關下進爵臨淮

郡王顏

魯公神道碑乾元二年冬十月甲申賊將周摯悉河北之眾萃于

河陽城

北思明以河南之眾頓于河陽南城之南南北夾攻表裏受敵公

設奇分

銳襲其虛而大破摯軍擒其大將徐瑋玉華僅以身免思明心慄

氣素烟火不舉者

河汴

諱賓錄光弼之未至河南也田神功平劉展後

三日官軍大振

拒而還

襄陽朝廷患之及光弼自河中入朝復拜太尉出鎮臨淮至徐州

史朝義退走田神功遠歸河南尚衡殷仲卿來瑒皆懼其威名相繼赴闕

吐蕃犯都上手詔追光弼率眾赴長安光弼與程元振不協遷延不至初

光弼御軍嚴肅天下服其威名及懼朝恩之害不敢入朝田神功等諸軍

皆不受其制因此不得志愧耻成疾薨于徐州神道碑遂趣徐州因召田

神功與同寢宿以宋州之難告祖道郊外俾先飲以寵之分麾下隸于其

將奇岫仍令兵馬使郝庭玉與岫犄角而擊之賊遂一戰而走上下陝州

以公兼東都留守制書未下久待命于徐州將赴中都屬病疾增劇公知

不起使使齋奉奉辭廣德二年七月薨于官舍將吏問以後

事公曰吾久在軍中不得就養今為不孝于矣夫復何言

里故城即大丘城在興平縣東南一十里即漢書所謂槐里

道碑定公于富平縣先塋之東銘曰渭水川上積山路旁檀山在縣西北

四十里漢武帝葬在槐里之茂陵衛青霍去病墓去茂陵不

三里光弼墓在焉

汾陽曰河陽人李太尉代領其兵舊營壘也

上卒也舊旗幟也光弼一號令之精彩皆發

光弼

贈左僕射鄭國公嚴公武

永泰元年卒

鄭公瑚璉器華岳金天晶昔在童子日已聞老成名

鄭公乃少陵有實
主之情故心平反
生句首服

通首對句落調
情安

叙事應落六後
少空老說去而均
重子富也

巍然大賢後復見秀骨清開口取將相心事友生
閱書百紙氏云盡落筆四座驚歷職匪父任嫉邪常力
爭漢儀尚整肅國騎忽縱橫飛傳自河隴逢人問公
卿不知萬乘一作真出雪涕風悲鳴受詞劒閣道謁帝蕭
關城寂寞雲臺仗飄飄沙塞旌江山少使者笳鼓凝
皇情壯士血相視見作忠臣氣不一作米平密論貞觀體揮
發岐陽征感激動四極聯翩收二京西郊牛酒再一作至
原廟丹青明匡汲俄寵辱衛霍竟哀榮四登會府地
三掌華陽兵京兆空柳色一作市尚書無履聲群鳥自朝
夕白馬休橫行諸葛蜀人愛文翁儒化成公來雪山
重公去雪山輕記室得何遜韜鈴延子荆四郊失壁

壘虛館開逢迎堂上指圖書一作畫軍中吹玉笙豈無成

都酒憂國只細傾時觀錦水釣問俗終相并意待因

國滅人藏紅粟盈以茲報主願庶或一作禪世程州炯

一心在沉沉二豎嬰顏回竟短折賈誼徒忠貞飛旄

出江漢孤舟轉荆衡虛無舊本作虛為時本作虛馬融笛悵

望龍驤坐空餘老賓客身上愧簪纓

大賢後

舊書中書侍郎挺之子神氣高爽敏于聞見幼有成人之風讀

歷臺省亦有時名娶裴卿之女纔三夕夢一人佩服金紫美對焉曰諸葛

亮也來為夫人兒既知而產嬰孩其狀端偉頗異常流舊注大賢後謂挺

之之子唐詩紀事小心唐詩紀事市與武世契也嘗醉河隴武在隴

謂嚴子陵非也使哥舒翰奏充判官遷侍御史此云飛傳自河隴蓋祿山之亂謂帝

武自河隴訪知乘輿所在趨赴劍閣然後玄宗遣赴行在也至德初武仗節赴行在房琯以武名臣之子素重之至是首薦才畧可擬

累遷給事中按公此詩則武亦知張鎰房琯以玄宗命赴行在者也房琯

首薦之而旋坐瑄黨詔書與劉秩並列亦關蕭關應劭曰關中在安定高平有險阻蕭關在其北

以蜀郡舊臣之故也當據以補唐史之闕

如淳曰匈奴傳入朝那蕭關蕭關在安定朝那縣也寰宇記平涼府高平縣本漢高平屬安定郡蕭關故城在縣東南三十里肅宗自彭原至平涼郡數日始回軍趨靈武

武蓋于平涼謁肅宗也

四登為京兆少尹拜成都尹還京兆尹三掌復拜成都尹故云四登會府地

華陽按舊書嚴武傳武初以御史中丞山為綿州刺史遷東川節度使再拜成都尹兼御史大夫充劍南節度使三遷黃門侍郎拜成都尹充劍南節度等使詩所謂三掌華陽兵主恩前後三持節者是也惟史于武傳不記其遷拜出鎮之歲月而兩川之分合新舊書志表與諸書互異莫能歸一余詳考之兩川之分也舊書地理志云至德二載十月玄宗駕迴西京改蜀郡為成都府長史為尹又分劍南西川東川各置節度使新書方鎮表亦同而唐會要則云上元元年二月分為兩川會要誤也先是稱劍南節度至是更號西川節度兼成都尹乾元二年以裴冕為之令兩川分于上元則裴冕何得先兼成都尹乎武傳載上皇詰合劍兩川為一道余謂合兩川非上皇詰而分兩川為上皇詰蓋西內之後上皇之詰不行久矣此史誤也

國經云至德二載明皇幸蜀始分劍南為東西兩川西川治益州東川治梓州此其証也武以乾元元年六月貶巴州刺史未久而節度東川上元二年段子璋反東川節度使李興敗奔成都武自東川入朝當在貞前然則武之初鎮蓋在乾元元二之間也兩川之合也舊書志以為廣德元年新書表以為廣德二年唐會要則以為廣德二年正月八日蓋皆在武三鎮之時舊書武傳云上皇詰以劍兩川合為一道拜

武蓋于平涼謁肅宗也

武成都尹兼御史大夫充劍南節度使則合兩川在武再鎮之日余謂舊書武傳是而志表諸書皆非也按高適傳劍南自玄宗還京後于綿益二州各置一節度適因出西山三城置成爲成都尹劍南西川節度使以適傳璋反崔光遠不能戢軍以適代光遠爲成都尹劍南西川節度使以適傳考之適論罷西川節度在子璋未反之前及子璋反李兵敗而光遠不能兼制東川故朝廷用適前論合兩川爲一而罷東川也光遠之罷也武實代之武召人以適代適失西山三州又以武代適實代武而武又代適謂適代光遠者誤也趙抃玉壘記曰上元二年東劍段子璋反李真走成都崔光遠命花驚定平之縱兵剽掠士女至斷腕取金監軍按其罪冬十月恚死其月廷命嚴武此武代光遠之証實應元年杜有嚴中丞見過詩曰川合東西瞻使節系曰自東川除西川較今兩川都節制此武再鎮時合兩川之証也李兵雖重有節度亦不能久于東川何自後復直至張獻誠無一人除東川者乎使曰舊書武傳是而他皆非也若大曆初復分西川舊書云在崔寧鎮蜀之後而方鎮表以爲元年會要及肅求成都序記以爲二年正月按元年杜鴻漸表張獻誠以山南西道兼領東川至二年而始定此又當以舊書會要爲是也舊書既失之不詳多所抵牾而通鑑則尤踳駁武之初鎮通鑑既失載而再鎮則載于寶應元年六月是年四月召武入朝二聖山陵爲橋道使却云六月出鎮七月徐知道反以守劍關武九月尚未出巴故杜有何路出巴山之句而云知道守要害拒武武不得進何背謬之甚也胡三省泥于通鑑乃云武只再鎮劍南唐書蓋因杜詩致有此誤則紕繆更不可言矣謹書之以俟博聞者

柳色

張敬傳爲京兆尹時罷朝曾過走馬章臺街游俠傳城西柳市漢宮闕疏

澄潔忠勤用字
極有因合

云細柳倉有柳市三輔黃圖馬融笛馬融長笛賦序獨卧郡縣平陽郡
中有雜客含逆旅吹笛為氣出
云長安大俠黃子夏居柳市
精列相和融去京師踰年覽聞甚悲而樂之殷芸小說馬融性好龍驤
音樂善鼓琴吹笛笛聲一發感得精製此吟有如相和曲融別傳龍驤
塋王濬傳葬柏谷山大營塋城葬垣周
四十五里而別開一門松柏茂盛

贈太子太師汝陽郡王璉

天寶九載卒

汝陽讓帝子眉宇真天人虬鬚似太宗色映塞外一作

春往者開元中主恩視遇頻出入獨非時禮異見羣

臣愛其謹潔極倍此骨肉親從容聽一作朝後或在風

雪晨忽思格猛獸苑囿騰清塵羽旗動若一萬馬肅

駢駢詔王來射雁拜命已挺身箭出飛鞚內上又一作

回翠麟翻然紫塞翻下拂明月輪國人雖獲多天笑

不為新王每中一物手自與金銀袖中諫獵書扣馬

末段以王之好主折
出已之不為高
筆勢頓挫

久上陳竟無銜歷虞聖聰一作矧多仁官免供給費水

有在藻鱗匪唯帝老大皆是王忠勤晚年務置醴門

引申白賁道大容無能永懷侍芳茵好學尚貞烈義

形必霑巾揮翰綺繡揚篇什若有神川廣不可泝墓

久孤兔鄰宛彼漢中郡王弟漢中王文雅見天倫一作慰何以開

我悲泛舟俱遠津溫溫昔風味少壯已書紳舊遊易

磨滅衰謝增多作酸辛

虬鬚南部新書太宗文皇帝虬鬚上可挂一主恩南阜獨發錄汝陽王璉寧王長子也

姿容妍美秀出藩邸玄宗特鍾愛焉自傳受之又以其聰悟敏慧妙達旨

旨每隨遊幸頃刻不舍上嘗誦花奴資質明瑩肌髮光細非人間人必神

仙謫墮也寧王謙謝隨而短斥之上笑曰大訝不在過慮阿瞞自是相師

花奴端秀道人當更得公卿間令舉耳新書進眉宇秀整性謹潔善射帝

愛猛獸張彥遠名畫記高平公鎮太原進玄宗馬射與圖表曰玄宗天

縱神武藝冠前王凡所遊畋必有繪事豈止雲夢陸兕楚人美

旌蓋之雄潯陽射蛟漢史稱舳艫
之盛玉海陳闕遺玄宗馬射圖

贈秘書監江夏李公邕

此詩以文章見重前序碑版之工後述論文之妙用意絕佳

長嘯宇宙間高才日陵一作洽替古人不可見前輩復誰

通有以文章立
論前後皆論一特

繼憶昔李公存詞林有根柢聲華當健筆灑落富清

作有北海之碑版

製風流散金石追琢山岳銳情窮造化理學貫天人

案二可以追步之

際于謁走其門碑版照四裔各滿深望還森然起凡

例蕭蕭白楊路洞徹一作寶寶珠惠龍宮塔廟湧一作下浩劫

浮雲一作空衛宗儒俎豆事故吏去思計眎睠已皆虛跋

涉曾不泥向來映當時豈獨一作特勸後世豐屋珊瑚鈎

騏驎織成罽紫駟隨劒几義取無虛歲分宅脫駸間

感激懷未濟衆歸賙給美擺落多藏一作藏穢獨步四十

中言其仕宦之
坎坷以及被禍之
由

後段以昔日同論

年風聽九臯。唉鳴呼江夏。姿竟掩宣尼。袂往者武后。
朝引用多寵。嬖否臧太常。議面折二三張。勢衰俗凜。
生風排蕩秋。旻霽忠貞負。冤怨恨宮闕深。旒綴放逐。
早聯翩。低垂困炎厲。日斜鵬鳥入。魂斷蒼梧帝。榮一作東
枯走不暇。星駕無安稅。幾分漢廷竹。夙擁文侯筆。終
悲洛陽獄。事近小臣一作敝。禍階初負謗。易力何深濟。
伊昔臨淄亭。酒酣托末契。重叙東都別。朝陰改軒砌。
論文到崔蘇。指推盡流水逝。近伏盈川雄。楊楊未耳特。
進麗李是是非張相。國燕相扼一危。脆爭名古豈然。鍵
捷英華作關鑣注云鑣捷二字廣韻通用歎不閉例一作及吾家詩。曠懷掃氛
翳。慷慨嗣真作。和季大夫咨嗟玉山桂。鍾律儼高懸。鯢鯨噴。

文而例及諸部
所有感一德并
及傷時哀高才
之不數見也

迢遞坡陁青州血無沒汶陽瘞哀贈竟蕭條恩波延

揭厲子孫存如綫舊客舟凝滯君臣尚論兵將帥接

燕薊朗咏六公篇張恒等五王
泊狄相六公憂來豁蒙蔽

碑版舊書邕早擅才名尤長碑頌雖貶職在外中朝衣冠及天下寺觀

時議以為自古肅文賜給陳州之獄許州人孔璋上書救邕曰斯人所
獲財未有如邕者能者拯孤恤窮救乏賑惠積而便散家無私

獨步唐詩紀事邕知名長安中死天寶初四十年間可謂獨步矣
唐詩賦甚稱多宗古後因上計中使臨索其新文以文章徵天

章書翰正直辭辨義烈皆過人時謂六絕太常議太常博士李處直
議章巨源謚曰昭

邕再二張召拜左拾遺御史中丞宋璟奏侍臣張昌宗兄弟有不順之
言請付法推斷則天初不應邕在陛下進曰璟言事關社稷

望陛下可其奏則天邑稍解始允環所請孔璋書曰往者張易之用權人

畏其口而邕折其角韋氏恃勢言出禍應而邕挫其鋒顏魯公宋文貞碑

張易之昌宗兄弟席寵膏權天下側目公危冠入奏奮不顧身天后失色

倉皇欲起拾遺李邕奏曰陛下坐則天下安起則天下危遂俱攝詣臺庭

立切責二賢股栗氣索不敢仰放逐邕始以與張柬之善貶雷州玄宗
初又貶崖州召還為執崇所嫉貶

視自朝至于日晏敕使馳救之

括州徵為陳州支宗東封回邑于汴州謁見累獻詞賦頗自矜街張說甚惡之發陳州驛事抵死孔璋上書請代邑死貶欽州累轉括潘滑三州判

史天寶初為汲洛陽獄邑與柳勤馬一匹及勸下獄吉溫令引邑滿

郡北海三太守御史羅希奭馳往就部決殺之年七十餘後漢蔡邕傳下

邕賈于洛陽獄邕集曰以辛卯詔書收邕送洛陽詔獄崔蘇新書李

融蘇味道齊名朝野食載李嶠崔融蘇味道杜審言為文章四友世

非張說曰楊盈川文思如懸河注水酌之不竭既優于廬亦不誠王祐居

玉無施不可特王後信然愧在盧前謙也又曰李嶠崔融薛稷宋之問之文如良金美

進謂李嶠也關鍵老下道經善閉無關鍵而不可開河上公注善以

嗣真作杜審言有和李大夫嗣哀贈唐詩紀事代宗時六公篇明

誠金石錄唐六公詩李邕撰胡履靈書余初讀八哀詩恨不見其許晚得

石本其文詞高古真一代佳作也六公者五王各為一章狄丞相為一章

董道書跋云李北海六公咏今泰和集中雖有詩而無其姓名又其說一

章不盡或遺余荆州六公咏石刻文既不可得盡存可以厚觀于此五

王皆狄公所進故邕歎其成大功者六人詩尤奇偉豪氣激發知見斷登

立極時至今讀之令人想望風采宜老杜有云余見邕他文亦不若是壯

屬警拔殆感憤而作故氣激于內而擴放于

外者也序言邕為荆州今新舊書皆不書

笑曰論文以下論其文也楊李崔蘇邑同時文筆之士邑之論文也莫崔
蘇之已逝伏盈川而口特進與燕公之論相合燕公首推盈川次及崔李
世皆嘆其是非之當可至于邑則相扼不少貲蓋崔李已皆沒而邑獨與
說爭名說雖忌刻亦邑之露才揚已有以取之虛藏用所以致戒于干將
莫邪也關鍵欬不閉用老子道經之言也例及以下論其時也邑之詩可
以接踵我祖六公之篇可以追配嗣真之作所謂鍾律儼高懸鯨鯢噴
遞也瞻鄒之歟也李嶠以下請加命武平一為表上之邑既子孫
如綫而已則舊客疾滯此所以感今追昔而不能自己于哀也

故秘書少監武功蘇公源明

武功少也孤徒步客

其詩

徐亮讀書東岳中十載考墳

典時下萊蕪郭忍饑浮雲嘯負米晚為身每食臉必

泣夜字照蕪薪垢衣生

一作帶

碧蘇庶以勤苦志報茲劬

勞顯

一作顯

學蔚醇儒姿文包舊史善灑落

一作族

辭幽人歸

來濟京輦射君東堂策

魯作射策君東堂

宗匠集精選制可題

一作制

未乾乙科

一作錄

已大闡文章日自負吏祿一作亦累

蘇郡同臨賊中而
有汚濁之分公為
作詩嘆蘇之難
而悲郭之不幸
也
以文章言而原
本忠孝以見嗟同
侯晉之有故也

觀范志之被刑
所以觀出忠臣之
名落

帶入洛陽正有清
鄭之意念見除
之人已而以窮飲
可哀孰甚

踐晨趨閭闔內足踏宿昔跡一麾出守還黃屋朔風
卷不暇陪入駿園庭悲所遣平生滿樽酒斷此朋知
展憂憤病二秋有恨石一作不可轉肅宗復社稷得無逆
順辨范曄顧其兒李斯竄黃犬秘書茂松意文苑英華云秘著茂
松邑履歷祠壇碑前後百卷文樹藉皆禁鬱篆刻楊維
流虞祗本末淺王仲正本履歷作再行篆刻制作溟漲本末淺青
熒芙蓉劍犀兕豈獨刺反為後輩襲予實苦懷緬煌
煌齋房芝事絕萬手舉垂之俟來者正始徵一作貞勸
勉不要一作惡懸黃金胡為投乳一作贊結交三十載吾與
誰遊行榮陽復冥冥罪罟已橫罟音嗚呼子逝日始
泰則即終蹇長安米萬錢凋喪盡餘喘戰伐何當解
歸帆阻清沔尚纏漳水疾永負蒿里錢

新書源明京兆武功人少孤寓居徐兗工文詞有名天寶間及進士第更試集賢院累遷太子諭德出為東平太守召為國子司業祿山陷京師以病不受為署肅宗復西京權考功郎中知制誥後以秘書少監卒

東堂

山謙之丹陽記太極殿周制路寢也秦漢曰前殿今稱太極曰

前殿東西堂亦魏制於周小寢也晉起居注成帝咸康二年依中興故事朔望聽政中堂按摯虞舉賢良武帝詔諸賢良方正直言會東堂策問故曰射策君東堂也

制可

蔡邕獨斷羣臣有所奏請尚書令奏之有制唐有尚書省東堂

科

唐令諸進士試時務策五條帖所讀一大經十帖得四以上經策全得為甲第策得四帖過四以上為乙第

足趼

舊注風

其由貧賤中也足胼曰

范曄

文苑辭証八哀詩范雲顧其兒當從集作范曄子云百舍重趼

齋房芝

漢武帝大興祠祀齋房生芝而作歌肅宗時宰相王與以祈禱進禁中禱祀窮日夜源明敬陳政治得失上疏極諫

贊

爾雅贊有力注曰出大秦國有養者似狗多力贊惡

長安米

鶴曰舊書廣德二年自秋及冬言之蘇鄭皆富卒于是年

故又曰凶問一年俱也

漳水

劉楨詩余嬰先病疾寡身清漳濱

故著作郎貶台州司戶榮陽鄭公虔

鷄鵠

至魯門不識鐘鼓饗孔翠望赤霄愁思

雕籠

卷下

十

養榮陽冠衆儒早聞名公賞地崇士大夫况乃氣精

爽往者公在疾蘇許公頤位尊望重素未相識早天然生知安學立

游夏上神農極闕漏黃石愧師長藥纂西極一作城名兵

流指諸掌公著書最等諸書之貫穿無遺恨薈蕞何技癢

主泉星經又撰本草七卷與蟲篆丹青廣子雲窺未遍方朔諧太枉

神翰顧不一體變鍾兼兩文傳天下口大字猶在勝

昔獻書畫圖新詩亦俱往滄洲動玉陛一作宣鶴誤一

響三絕自御題四方尤所仰嗜酒益疎放彈琴視天

壤形骸實土木親近唯几杖未曾寄一作記官曹突兀倚

青幌晚就芸香閣國塵昏坱莽反覆歸聖朝點染無

滌盪老蒙台州椽英華作泛泛遐泛湘江漿履穿四明雪飢

遺詞異趣以致
嘆曰之一意

拾。舊。溪。樓。空。聞。紫。芝。歌。不。見。杏。壇。丈。天。長。眺。東。南。秋。
色。餘。颺。颺。別。離。慘。至。今。斑。白。徒。懷。曩。春。深。秦。山。秀。
葉。墜。清。渭。朗。劇。談。王。侯。門。野。稅。林。下。鞅。操。紙。終。夕。酣。
時。物。集。遐。想。詞。場。竟。疎。闊。平。昔。濫。吹。獎。百。年。見。存。
沒。牢。落。吾。安。放。一作蕭。條。阮。咸。在。出。處。同。世。網。他。日。訪。
江。樓。含。懷。述。飄。蕩。著作與今秘書監鄭君審篇謝齊
價謫江陵故有阮咸江樓之句

兵流

新書處學長于地理山川險易方隅物產兵戎衆寡無
不詳常爲天寶軍防錄言典事該諸儒服其善著書

薈最封

聞見記天寶中協律郎鄭虔採集異聞著書八十餘卷人有竊窺其草藎
告虔私修國史虔聞而遽焚之由是貶謫十餘年方從謫選授廣文館博
士虔所著書既無別本後更纂錄率多遺忘猶成四十餘卷書未有名及
爲廣文博士論于國子司業蘇源明源明請名會萃取淵雅序會萃舊說
也西河太守盧象贈虔詩曰書名會粹才偏逸酒甞屠蘇味更醇卽此之
謂也高元之曰虔自謂著書雖多皆碎小之事也後人傳寫誤爲會粹
新書曰名其書技癢射雉賦徒心煩而技癢徐爰注曰有技
爲會粹則誤矣技癢藝欲逞曰技癢也草堂本或作敝癢誤圭臬景

殿賦制無細而不協于規景作無微而或鍾兼兩羊欣古來能書人

遠于本泉鄭玄曰禁古文泉假借字也名鍾繇魏大尉書

有三體一曰銘石書二曰章程書三曰行相書金章記錄二三色者草書

八分最優度善草書故云兼兩也金章記又云呂恕曰鄭虔書如風偏雲

牧雲雁三絕唐詩紀事虔自寫其詩并畫以四明天台山賦登陸則

月運山居賦注曰天台四明相接析溪謝靈運山居賦曰凌石橋之莓苔

連四明方石四面自然開窓越越溪越溪之紫紵天台山賦濟溪

而前進顧愔之啓蒙記注曰之天台山夫天不遠路經溪水深險清冷

前有平橋路不盈尺長數十丈下臨絕淵唯忘其勢然後能溪子記

橋溪在臨海縣阮咸舊書鄭審錄之子亦善書阮元中任吳州刺史

東二五甲故右僕射相國英華有曲張公九齡開元二十八

相國生南紀金璞無留廣仙鶴下人間獨立霜毛整

矯然江海思復與雲路永寂寬想上作皆未遑等

箕頰上君白玉堂倚君金華省碣石歲崢嶸天地

一作日蛙退食吟大庭何心記一作榛梗骨驚畏曩哲

一作池

微見諷誥之由斯
以無惜公之不用也
以公之賢而老于
政林所哀在此

一陽發陰陰言正
當剥復之機中有
深意

曲江罷而不寶之
亂興八哀之所以
終思曲江也不諫
中自一深意

鬢一作鬢變負人境雖蒙換蟬冠右地而多幸敢忘作二
疏歸痛迫蘇耽井紫綬一作金紫映暮年荆州謝所領庾公
與不淺黃霸鎮每靜賓客引調同諷詠在務屏詩能
地有餘云詩地篇終語清省一陽發陰管淑氣含公鼎
乃知君子心用才文章境散帙起翠螭倚薄巫廬並
綺麗玄暉擁牋誅任昉騁自我一作成一家則一作未缺隻
字警千秋滄海南名繫朱鳥影歸老守故林戀闕情
一作警延頸波濤良史筆蕪絕大庾嶺向時禮數隔制作
難上請再讀徐孺碑猶思理烟艇

仙鶴

九齡家傳九齡母夢九鶴自天而下飛集于庭遂生九齡

白玉堂金華省

翼奉傳文帝時未央

宮又無高門武臺麒麟鳳凰白虎玉堂金華之殿西都賦金華玉堂注黃圖曰未央宮有金華殿大玉堂殿楊雄傳上玉堂晉灼注云黃圖有次玉

堂小主堂殿今本無漢書鄭寬中張禹朝夕入說尚書論語

千金華殿中沈約八詠講金華分議宣室書武帳兮夕文昌

陽偏押入奏九齡見之

曰亂商州者此口誰也

以致意曰無心與物就

鷹隼莫相猜亦終退斥

地 九齡為中書令恐為休甫所危因帝賜白羽扇乃獻賦自况帝雖優容

卒以尚書右承州罷政事明皇雜錄九齡泊裴驥卿能免之日自中書

至月華門將就刑列人鞠躬卑遜林甫處其中抑揚自得觀者竊謂

麟狀兩兕俄而詔張裴為左右僕射誰知政事林甫怒曰猶為左右丞相

耶二人趣就木匠林甫目送

之公卿已下觀之不覺股栗

蘇耽井 縣人少孤養母至孝辭母云受

性應仙當違供養又曰年將大疫死者累半穿一井飲水可得無恙九齡

初以母老因請換江南一州數承旨耗後丁母喪歸鄉里故云痛迫蘇耽

井也今郴州福 九齡薦長安尉周子諒為監察御史坐引非其人

井在蘇仙故宅 荆州左遷荆州大都督府長史俄請歸拜墓因遇疾卒

賓客 孟浩然還襄陽張九齡鎮 詩篇 中書舍人姚子頌狀其行曰公

咏莫非興寄 徐穉 九齡徐徵君鶴曰有唐開元十五年予忝牧茲州

時皆諷誦焉 風流是假在懸榻之後想見其人有表墓之儀豈

孤此

地

寫懷二首

勞生共乾坤、何處異風俗、冉冉自趨競、行行見羈束、
無貴賤不悲、無富貧亦足、萬古一骸骨、鄰家遞歌哭、
鄙夫到巫峽、三歲如轉燭、全命甘留滯、忘情任榮辱、
朝班及暮齒、日給還脫粟、編蓬石城東、採藥山北一作林、
谷用心霜雪間、不必條蔓綠、非關故安排、曾是順幽
獨、達士如弦直、小人似鈎曲、曲直我不知、負暄候樵
牧、

夜深坐南軒、明月照我牀、驚風翻河漢、梁棟已出日、

一作日已出

羣生各一宿、飛動自儔匹、吾亦驅其兒、營營爲

私實

晉作

天寒行旅稀、歲暮日月疾、榮名忽云中人世

亂如蟣虱。古者三皇前。滿腹志願畢。胡爲有結繩。陷此膠與漆。禍首燧人氏。厲階董狐筆。君看燈燭張。轉使飛蛾密。放神八極外。俯仰俱蕭瑟。終契如往還。終然

契真

得匪合仙術

一作歸照金仙術

可歎

天上浮雲如一作似白衣。斯須改變如蒼狗。古往今來共一時。人生萬事無不有。近者抉眼去其夫。一作眼河東女兒身。姓柳。丈夫正色動引經。鄭城客子王季友。羣書萬卷常暗誦。孝經一通看在手。貧窮老瘦家賣屐。一作履好事就之爲携酒。豫章太守高帝孫。引爲賓客敬頗久。一作問久間道三年未曾語。小心恐懼閉其口。太守得之

更不疑。人生反覆看亦醜。明月無瑕豈容易。紫氣鬱鬱猶衝斗。時危可仗真豪俊。二人得置君側否。太守頃者領山南。邦人思之比父母。王生早曾拜顏色。高山之外皆培塿。用爲義和天爲成。用平水土地爲厚。王也論道阻江湖。李也丞疑曠前後。死爲星辰終不滅。致君堯舜焉肯朽。吾輩碌碌飽飯行。風后力牧長廻首。

王季友

困學記聞季友肅代間詩人也殷璠謂其詩放蕩愛奇務險然而白首短褐錢起有贈季友赴洪州幕下詩云列郡皆用武南

征所從誰諸侯重才畧見子如環枝卽豫章賓客之事也潘洋詩話元結隨中集載季友數詩殊高古唐江西新贛子記題名云使兼御史中丞李勉兼監察御史王季友熱勉罷京兆尹以御史中丞歸兩臺出爲江西觀察使故結銜如此于邵送王司議季友赴洪州序云洪州之爲連率舊矣朝廷重于鎮定咨爾宗枝勉獨坐之權實專方面豫章太守勉於之詩是以王司議得爲副車况嘉彼數賢爲之督理

豫章太守

勉於肅宗

序極古石不
涉一弱筆

初為梁州都督山南西道觀察使後由京兆尹徙江西觀察使大曆二年
來朝拜京兆尹故云頃者領山南潘濟曰高帝孫者李勉也鄭應正元懿
生安德郡公琳琳生擇言擇言生勉鶴云勉為京兆尹故曰領南山謠也
鶴曰隆興有石鐘鼓勉在張鎰之後魏少遊之前鎰以廣德二年九月卒
勉即以是月繼之則
詩當作于二年也 風后力牧 聖賢輩輔錄風后受金法力墨受學
詩見論語 摘輔象

觀公孫大娘弟子舞劍器行

并序

大曆二年十月十九日夔府別駕元持

特

宅見臨

穎李十二娘舞劍器壯其蔚跂問其所師

本此下曰

余公孫大娘弟子也開元三載

一作五載時公年六歲公

無不可詩云五十年間似反掌自開元五年至
是年凡五十年草堂注云疑作十二載展也

余尚童穉記於

郾城觀公孫氏舞劍器渾脫瀏離頓挫獨出冠時

自高頭宜春秋閑二伎

一作

坊內人海外供奉曉是

必在無時公恩事
公為先帝之帝
四作看其母顏
之妙

舞者聖文神武皇帝初公孫一人而已玉貌錦一作
衣況余白首今茲弟子亦匪盛顏既辨其由來知
波瀾莫二撫事慷慨聊為劍器行往者吳人張旭
善草書書帖數常於鄴一作縣見公孫大娘舞西河
劍器自此草書長進豪蕩感激即公孫可知矣
昔有佳人公孫氏一舞劍器動四方觀者如山色沮
喪天地為之久低昂燿音如羿射九日落矯如羣帝
驟龍翔來一作如雷霆收震怒罷如江海凝清光絳唇
珠袖兩寂寞一作陳作脫有弟子傳芬芳臨穎美人在白
帝妙舞此曲神揚揚與余問荅既有以感時撫事增
惋傷先帝一作侍女八千人公孫劍器初第一五十年

結處慨然

間似反掌。風塵傾動。一作昏王室。梨園子弟散如烟。女樂餘姿映寒日。金粟堆南木已拱。瞿唐石城草一作蕭瑟。玳筵急管曲復終。樂極哀來月東出。老夫不知其所往。足繭荒山轉愁疾。一作

明皇雜錄天寶中上命宮女數百人爲梨園弟子皆居宜春北苑上素曉音律時有馬仙期李龜年賀懷智皆洞曉音度安祿山從范陽人觀亦獻白玉簫管數百事皆陳丁梨園自是音響遂不類人間諸公主洎號稱以下競爲貴妃弟子每授曲之終皆廣有進奉時有公孫大娘者善舞劍能爲都引曲及裴將軍滿堂勢西河劍器渾脫遺妍妙皆冠絕于時也又曰開元中有公孫大娘善舞劍器僧懷素見之草書遂長益壯其頓挫勢也歷代名畫記開元中裴曼善舞劍吳道玄觀曼舞畢揮毫益進時又有公孫大娘亦善舞西河劍器渾脫張旭見之因爲之草書杜甫歌行述其事是知書畫之藝皆須意氣而成亦非儒夫所能作也

往在

往在西京日

一作時

因來滿彤

一作丹

宮中宵焚九廟雲漢爲

之紅解瓦飛十里。縹帷紛一作紛曾空。疚心惜木主。一一

灰悲風合昏排鐵騎。清旭散錦驂。一作驂賊臣表逆節。一作賊

相賀以成功。是時妃嬪戮。連爲糞土叢。當宁陷玉座。

白間剝盡蟲。不知二聖處。私泣百歲翁。車駕旣云還。

楹桷歛穹崇。故老復涕泗。祠宮樹椅桐。宏壯不如初。

已見帝力雄。前春禮郊廟。祀事親聖躬。微軀泰近臣。

景從陪羣公。登階捧玉冊。峩冕耿一作耿金鍾。侍祠慙先

露。一作露掖垣邇濯龍。天子惟孝孫。五雲起九重。鏡奩換

粉黛。翠羽猶慈臙。前者厭羯毬。後來遭因寇。俎豆腐

一作臙臙肉。罕思行角弓。安得自西極。申命空山東。盡驅

詣闕下。士庶塞關中。主將曉逆順。元元歸始終。一朝

自罪已

一云作已已

萬里車書通鋒鏑供鋤犁征戍聽所從

灾官各復業

土著還力農君臣節儉足朝野歡呼一作

同中興似

一作此

國初繼體如太宗端拱納諫諍和風日

冲融

赤輝櫻桃枝隱映銀絲籠千春薦陵寢永永垂

無窮

京都不再火涇渭開愁容歸號故松柏老去苦

飄蓬

木主

天寶末兩都傾陷神主亡失肅宗既復舊物建主作廟于上都其東都神主大曆中始于人間得之會昌五年中書門下奏東都太

廟九室神主共二十六座祿山取太廟為軍營神主

集于街巷所司潛聚見在太微宮新造小屋之內

錦驃

廣韻驃子曰驃祿山陷兩

京以橐駝運御府珍寶于范陽故

曰散錦驃驄注改作錦幪非是

白間

景福殿賦皎皎白間離離列錢善注白間青瑱之間以白塗之

今猶謂

濯龍

後漢后紀帝幸濯龍中後漢馬皇后紀寶織室登于濯龍中續漢志曰濯龍園名也近北宮又前過濯龍門上

之白間

陰后紀帝從席前伏御床視太后鏡

西極

西極指口口山東指史朝義諸降將也

鏡奩

陰中物感動悲涕今易指澤裝具

一起高亮絕倫

昔遊

昔者與高李

白適晚作

登單父臺寒蕪際碣石萬里風

雲來桑柘葉如雨飛藿去

一作共

徘徊清霜大澤凍禽獸

有餘哀是時倉廩實洞達寰區

一作編

開猛士思滅國將

帥望三台君王無所惜駕馭英雄材幽燕盛用武供

給亦勞哉吳門轉粟帛泛海陵蓬萊肉食三

一作四

十萬

獵射起黃埃隔河憶長眺青歲已摧頽不及少年日

無復故人盃賦詩獨流涕亂世想賢才有

一作君

能市駿

骨莫恨少龍媒商山議得失蜀主脫嫌疑呂尚封國

邑

二云

傳說已鹽梅景晏楚山深水鶴去低回龐公任

本性携子卧蒼苔

單父臺

元和郡國志單父縣古魯邑負觀十七年
隸宋州夏寧記琴臺在縣北一里高三丈
水經礪石山在今遼西

渝縣南水中也注曰秦始皇漢武帝皆嘗登之海水西侵歲月逾甚
而苞其山故言水中矣山海經注或曰在右北平驪城縣海邊山

台

夢弼曰時甌任蕃將僥倖趨功
眉山領范陽節度求平章事也
謂李泌為肅宗彌縫匡救上皇

明皇者李賀過華清宮云蜀
王無近信泉上有芹芽是也
似指房公罷相後册封清河郡公也

下自傷其不遇也其文意似斷
續不可了所謂定哀多微詞耳

壯遊

此生公行矣以壯遊為題同進叙而言之也
由少而壯由壯而老中間開歷
叙生平叙中有排宕之趣

往昔

一作十四五出遊
翰墨場斯文崔魏徒
以文章為始
崔鄭州韓魏

以我似

一作班揚七齡思即壯開口詠鳳凰九齡書大

字有

一作囊性豪業嗜酒嫉惡懷剛腸脫畧
一作落

時輩

結交皆老蒼飲酣視人極俗物都茫茫東下姑

蘇臺已具浮海航到今有遺恨不得窮扶桑王謝風

以年歲為經以地
方為緯逐段
寫出此遊心事

一詩中文章氣
且月交遊過過一
一寫出

流遠闔廬丘墓荒。劍池石壁仄長洲。荷菱香。嗟我聞
門北清廟映迴塘。作每趨吳太伯。撫事淚浪浪。枕戈
憶勾踐。渡浙想秦皇。蒸魚聞七首。除道晒要章。越女
天下白。鑑湖五月涼。剡溪蘊秀異。欲罷不能忘。歸帆
拂天姥。中歲貢舊鄉。氣劇屈賈壘。目一作短曹劉牆。忤
下考功第。獨辭京尹堂。放蕩齊趙間。裘馬頗清狂。春
歌叢臺上。冬獵青丘旁。呼鷹早一作櫪一作林。逐獸雲雪
間。射飛曾縱鞚。引一作臂落鵝鶩。蘇侯據鞍喜。監門曹忽
如携葛強。快意八九年。西歸到咸陽。許與必詞伯。賞
貴遊寶賢王。曳裾置禮地。奏賦入明光。天子廢食召。
羣公會軒裳。悅身無所愛。受痛飲信行藏。黑貂不一作

免弊斑鬚一作稱觴杜曲晚一作耆舊四郊多白楊坐深

鄉黨敬日一作覺死生忙朱門任一作傾奪赤族迭罹殃

國馬竭粟豆官鷄輪稻梁舉隅見煩費引古惜興亡

河朔風塵起岷山行幸長兩宮各警蹕萬里遙相望

崆峒殺氣黑少海旌旗黃禹功亦命子涿鹿親戎行

翠華擁英一作岳螭虎瞰豺狼爪牙一不中一作兵更陸

梁大一作軍載草草凋瘵滿膏盲備員竊補袞憂憤心

飛揚上一作感九廟焚一作下憫萬民一作瘡斯時伏青蒲廷

爭守御床君辱敢愛死赫怒幸無傷聖哲體仁恕宇

縣復小康哭廟灰燼中鼻酸朝未央小臣議論絕老

病客殊方鬱鬱苦不展羽翮因低昂秋風動哀壑碧

老病正對壯遊
言之然身老矣
猶望乎壯者
之謀國也

蕙捐

一作捐

微芳之推避賞從漁父濯滄浪榮華敵勲業

歲暮有嚴霜吾觀鴟夷子才格出尋常羣凶逆未定

側佇英俊翔

崔魏

唐科名記崔尚擢久視二年進士唐會要神龍三年才膺管樂科魏啓心及第清廟吳郡志太伯廟東

麋跡建干闥門外修可注指爲孫皓父和之廟按和傳明載有司言宜廟

京邑營立寢堂號曰清廟矣夢弼徒據清廟爲証而黃鶴又辨之曰孫和

明陵在烏程縣此乃指和故宅之廟注家之愚如此除道吳界見其故妻妻夫治道要盡會稽太

守章也吳郡圖經續記死亭灣在闔門外七里故傳剡溪東州禪院記

朱太守妻慟自經于此蒸魚除道皆詠吳郡故事也爲首刻爲面沃下第選舉志每歲仲冬州縣館監舉其成者送之尚書

州天姥爲眉目省而舉選不由館學者謂之鄉貢皆懷牒自列于州縣既至省由戶部集閱而關于考功員外郎試之唐據言俊秀等利比

皆考功主之開元二十四年廷議以省郎位不足以臨多士乃詔禮部侍郎專之公以鄉貢下考功第當在二十四年

以前本傳云天寶初舉進士不第恐非也叢臺高后傳趙王宮叢臺故名叢臺蓋本六國時趙王故臺也在邯鄲城中元和郡國志在磁州城

宇立叢臺于少陽者也青丘子虛賦秋田乎青丘傍徨乎海外服虔曰青丘國班

鬢秋興賦斑髮粟旦吳若本注漢有官雞東城父老傳玄宗即位治

兒五百人使兩宮兩宮各警蹕刺雲武之事也禹功亦命子謂肅宗自

避賞從喻已之賞薄而不自言耻與雲武諸臣爭功也

遣懷此同宋中身遠夫太白邀遊而追憶之也前後分看自有盛衰之感

昔我遊宋中惟梁孝王都名今陳留亞劇則貝魏俱

邑中九萬家高棟照通衢舟車半天下主客多歡娛

白刃讐不義黃金傾有無殺人紅塵裏報答在斯須

憶與高李輩適白論交入酒壚兩公壯藻思得我色敷

腴氣酣登吹一作臺懷古視平蕪芒碭雲一去雁驚空

相呼先帝正好武寰海未凋枯猛將收西域長戟破

林園百萬攻一城獻捷不云輸組練棄如泥尺土負

一作百夫拓境功未已元和辭大爐亂離朋友盡合沓

歲月衰將焉託存沒再嗚呼蕭條益堪愧獨在

天一隅一云蕭條病益甚塊獨天一隅乘黃已去矣凡馬徒區區不復見

顏鮑繫舟卧荆巫臨殮吐更食常恐違撫孤

宋中元和郡國志漢文帝以皇子武為梁王都大梁以其地卑濕東徙睢陽今宋州也吹臺元和郡國志吹臺在開封縣南

東六里水經注陳留風俗傳縣有蒼頡師曠城上有列仙之吹臺梁王層

築以為吹臺城隍口滅畧存故址其臺方一百許步即阮嗣宗咏懷詩所

謂駕言發揚都南向望吹臺蕭管有遺音梁王安在哉晉世表亂乞活遇

居創廢故臺遂成二層上基猶方四五十步高一丈餘世謂之乞活臺又

謂之婆臺城九域志後有繁姓居側亦名繁臺唐于西云世以謝希逸常

為雪賦又謂之雪臺新書甫從高適李白過汴州酒酣登吹臺慷慨懷古

人莫芒碭

碭山縣漢碭縣隋屬宋州

西域

開元末高仙芝討小勃律下坦駟嶺所

路

林

高適信安王幕府詩序開元二十年國家有事林口詔信安王瑋戎大舉舊書開元十九年信安王瑋出范陽之北大破

意其聖一片
國憂民之心

北集卷一

二十一

奚契丹兩蕃之果唐會要開元二十六年張守珪大破契丹
林口遣使獻捷胡三省曰契丹即曷國時林口地故云然
存沒

寶應元年卒高以永泰元

年卒故曰存歿再鳴呼

同元使君春陵行并序

覽道州元使君結春陵行兼賊退後示官吏作二

首志之曰當天子分憂之地效漢官舊傳良吏之目

今盜賊未息知民疾苦得結輩十數公落落然然

錯天下為邦伯萬物吐晉作氣天下少一作安可得矣

一作不意復見比興體制微婉頓挫之詞感而有詩

增諸卷軸簡知我者不必寄元音作

遭亂髮盡一作白轉衰病相嬰一作沉綿盜賊際狼狽江

漢行歎時藥力薄為客羸瘵一作詩家秀一作博采

起得自序正見一段
憂時之感作之固
以議論為主耳

世上名粲粲元道州前聖畏後生觀乎春陵作歛見
俊哲情復覽賊退篇結也實國楨賈誼昔流勳匡衡
常引經道州憂一作黎庶詞氣浩縱橫兩章對秋月一作
一字偕一作華星致君唐虞際純樸憶一作大庭何時降
璽書用爾爲丹青獄訟永衰息豈唯偃甲兵悽惻念
誅求薄斂近休明乃知正人意不苟飛長纓京虜振
南岳之子寵若驚色阻一作金印大興含滄浪一作清我
多長卿病日夕思朝廷肺枯渴太甚漂泊公孫城呼
兒具紙筆隱几臨軒楹作詩呻吟內墨淡字欲傾感
彼危苦詞庶幾知者聽重在不者聽無限深情

春陵行

有序

元結

癸卯歲漫叟授道州刺史道州舊四萬餘戶經賊
已來不滿四千大半不勝賦稅到官未五十日承
諸使徵求符牒二百餘封皆曰失其限者罪至貶
削於戲若悉應其命則州縣破亂刺史欲焉逃罪
若不應命又卽獲罪戾必不免也吾將守官靜以
安人待罪而已此州是春陵故地故作春陵行以
達下情

軍國多所須切責在有司有司臨郡縣刑法竟一作意欲
施供給豈不憂徵斂又可悲州小經亂亡遺人實困
疲大鄉無十家大族命單羸朝殮是草根暮食乃樹
皮出言氣欲絕意速行步遲追呼尚不忍況乃鞭朴

之郵亭傳急符來往迹相追更無寬大恩但有迫促
期欲令鬻兒女言發恐亂隨悉使索其家而又無生
資聽彼道路言怨傷誰復知去冬山賊來殺奪幾無
遺所願見王官撫養以惠慈奈何重驅逐不使存活
爲安人天子命符節吾所持州縣忽亂亡得罪復是
誰逋緩違詔令蒙責固所宜前賢重守分惡以禍福
一作移亦云貴守官不愛一作能適時顧唯孱弱者正直
當不虧何人採國風吾欲獻此辭

賊退示官吏

有序

元結

癸卯歲西原賊入道州殺掠

一云焚燒殺掠

幾盡而去明年

賊又攻永破邵不犯此州邊鄙而退豈力能制敵

蓋蒙其傷憐而已諸使何爲忍苦徵斂故作詩一篇以示官吏

昔歲逢太平山林二十年泉源在庭戶洞壑當門前
并稅有常期日晏猶得眠忽然遭世變數歲親戎旃
今來典斯郡山園又紛然城小賊不屠人貧傷可憐
是以陷鄰境此州獨見全使臣將王命豈不如賊焉
今彼徵斂者迫之如火煎誰能絕人命以作時世賢
思欲委符節引竿自刺船將家就魚菱一作窮老江
湖邊

顏魯公表墓碑家于武昌之樊口歲餘上以君居貧起家爲道州刺史州
爲西原賊所陷人十無一戶纔滿千君下車行古人之政二年間歸者萬
餘家賊亦懷畏不敢來犯既受代百姓詣闕請立生祠容齋隨筆大山集
中載其爲道州刺史上謝表兩通其一云今日刺史若無武畧以制暴亂

歷數淵源正是
為李潮作身

若無文才以救疲弊若不清廉以身率下若不變通以救時須則亂將作
矣臣料今日州縣堪徵稅者無幾已徵敗者實多百姓懸坟墓者蓋少思
流亡者乃眾則刺史宜精選諳擇以委任之固不可拘限官次得之貨賄
出之權門者也其二云今四方兵革未寧賦斂未息百姓流亡轉甚官吏
侵刻日多實不合使凶庸貪狠之徒凡弱下愚之類以貨賄權勢而為州
縣長官觀大山表語但因謝止而能極論民窮使罷勸天子以簡擇長吏
自謝表以來未之見也余是以備錄之以風後之君子

李潮八分小篆歌

李潮善小篆師李斯碑

蒼頡鳥跡既茫昧字體變化如浮雲陳倉石鼓又一作文
已訛大小二篆生八分秦有李斯漢蔡邕中間作者
寂不聞嶧山之碑野火焚棗木傳刻肥失真苦縣光
和尚骨立書一作貴瘦硬方通神惜哉李蔡不復一作可得
吾甥李潮下筆親尚書韓擇木騎曹蔡有鄰開元已
來數八分潮也奄有二子成三人况潮小篆逼秦相

快劍長戟森相向八分一字直百一作千金蛟龍盤拏肉

屈強吳郡張顓誇草書草書非古空雄壯豈如吾甥

不流宕丞相中郎丈人行巴東一作江逢李潮逾月求我

歌我今衰老才力薄潮乎潮乎奈汝何

李潮

金石錄唐惠義寺彌勒像碑李潮八分書潮書初不見重千宮弟

絕工非韓蔡比也吾行學古篇云陽冰名潮杜甫之甥後以字行遂別字

從叔寶應元年已為當塗宰吾子行以游賦二語想像

其名字宜爾初無引據緒亂後學斯亦妄人也已矣

石鼓文周王之微罔也其鼓有十因其石之自然龜有鼓形字刻于其旁

祭酒欲以數索曉與致太學不從鄭餘慶始遷之鳳翔孔子廟又曰韓愈

以為宣王鼓章應物以為文王鼓宣王刻自歐陽集古錄始設三疑鄭樵

摘孟堅二字見于泰斤泰權而指以為泰鼓馮劉詞臣馬定國以宇文泰

常蒐岐陽而指以為後周物予不得不辯董道曰傳曰成有岐陽之蒐杜

預謂還歸自奄乃大蒐于岐陽叔向曰昔成王盟諸侯于岐陽楚為荆蠻

置茅蕝官王蒐岐陽世遂無聞哉方成康與穆賦頌鍾鼎之銘皆番吾之

跡則此爲番吾可知呂氏記曰蒼頡造大篆後世有科斗書則謂篆爲籀漢制八書有大篆又有籀書張懷瓘以柱下史始變古文或異謂之爲篆而籀文蓋以其名目著宣王世史所作也是大篆又與籀二篆八分異不得定爲史籀所書程大昌雍錄亦云是成王鼓也

許氏說文解字序宣王太史籀著大篆十五篇與古文或異秦兼天下李斯作蒼頡篇趙高作爰歷篇胡毋敬作博學篇皆取史籀大篆或頗省改所謂小篆者也是時官獄職務繁初有隸書以趣約易而古文由此絕矣師古曰篆書謂小篆始皇使程邈所作也隸書亦程邈所獻主于徒隸從簡易也水經注古文出于黃帝之世蒼頡本鳥跡爲字取其孳乳相生故文字有六義焉自秦用篆書焚燒先典古文絕矣魯恭王得孔子宅書不知有古文謂之科斗書蓋因科斗之名遂效其形耳言大篆出于周宣之時史籀創著平王東遷文字乖錯秦之李斯及胡毋敬又改籀書謂之小篆故有大篆小篆焉然許氏字說專釋于篆而不本古文言古隸之書起于秦代而篆字文繁無會劇務故用隸人之省謂之隸書或云卽程邈於雲陽增損者是言隸者最捷也張懷瓘書斷八分者秦羽人上谷王次仲所作也水經注曰上郡王次仲變蒼頡舊文爲今隸書秦王三召不至令蓋車送之次仲化爲大鳥落鴈于居庸山中明次仲是秦人既變蒼頡書卽非效程邈隸也按蔡邕勸學篇上谷王次仲初變古形是也始皇之世出其數書小篆古形猶存其半八分已減小篆之半隸又減八分之半然可云子似父不可云父似子故知隸不能生八分矣八分則小篆之提議亦八分之提本謂之楷書楷隸初制大範幾同故後人惑之學者務之蓋其歲深漸若八字分散故又名之曰八分唯蔡伯喈乃造其極焉按郭氏

佩鵞言蔡邑以隸作八分體又曰小篆散而八分生八分破而隸書出則其言自相矛盾不足據也嶧山封嶧聞見記嶧山始皇刻石

文李斯小篆後魏太武登山使人排倒之然而歷代摹拓以為指則邑人

疲于奔命聚薪其下因野火焚之由是殘缺不堪摹寫然尤上官求請行

李登涉人吏轉益勞弊有縣宰取舊文勒于石碑之上凡成數片置之縣

驛須則拓取今間有嶧山碑皆新刻之碑也集古錄嶧山碑秦二世詔李

斯篆今俗謂之嶧山碑史記不載其字特大不類泰山存者其本出于徐

鉉又有別本出于夏竦家自唐封演已言嶧山碑非真而杜甫直謂梁木

傳刻耳金石錄泰嶧山刻石鄭文寶得其摹本于徐鉉刻石置之長安據

唐封演所云則人間所有皆新刻之本而杜以為摹本傳刻豈又有別本

歟

苦縣光

和洪适隸釋老子銘在亳州苦縣苦縣屬陳故其文與別本

紀此年春冬兩遣中常侍至苦祀老子水經注載蒙城王于喬碑亦云延

熹八年八月帝遣使致祀蓋咸帝方修神仙之事故一時郡國競作碑表

此石立于延熹無疑杜云苦縣光和誤也金石錄老子銘傳傳蔡邕文并

書杜詩云云世云此碑是也然而邊韶延熹八年作非光和中未知甫所

云是此碑否近時周越書苑遂以為韶文而邕書初無所據潘淳曰此石

碑後漢光和二年立苦縣老子廟亦漢碑字刻極勁杜詩謂二碑也洪适

云今之言漢字者則謂之隸言唐字者則謂之分不知在秦漢時分隸已

兼有之孫根及華山亭碑為漢八八分無疑也按二碑皆立于光和安知

杜所謂光和韓釋木韓愈科斗書後記愈叔父雲卿當大曆世文辭

者非指此耶

韓釋木

獨行中朝下時李監陽水獨能篆書而晚叔父

擇木善八分魯泉述書賦韓常侍則八分中興伯喈如在光和美古今
遠代昭刻石而成名類神都之冠蓋宣和書譜韓擇木昌黎人官至工部
尚書散騎常侍工諫兼作八分字諫學之外唯蔡邕一
人而已擇木能遺其遺法風流開媚世謂邕中興焉 **蔡有鄰** 述書
賦衛
包蔡鄰功夫亦到出于人 近天造注有鄰濟陽人善八分本拙弱至
天寶之間遂至精妙相備 其跡書與會要邕不本僕孫官至右衛
府兵曹參軍工八分書書 **丞相中郎** 國史補李陽冰善小篆自言
瘦勁驅使筆墨盡得如意 斯翁之後至小生曹喜蔡邕
不足言書斷斯小篆入神大篆入妙伯
皆八分飛白入神大篆小篆諫書入妙

覽柏中允兼子姪數人除官制詞因述父子兄

弟四美載歌絲綸

紛然喪亂際見此忠孝門蜀中寇亦甚柏氏功彌存
深誠補王室戮力自元昆三止錦江沸獨清玉壘昏
高名入竹帛新渥照乾坤子弟先卒伍芝蘭壘璵璠
同心注師律洒血在戎軒絲綸實具載綬冕已殊恩

奉公舉骨肉誅叛經寒溫一作金甲雪猶凍朱旗塵不
翻每聞戰場說欬激懦氣奔聖主國多盜賢臣官則
尊方當節鉞用必絕稂莠根吾病日迴首雲臺誰再
論作歌扼盛事推轂期孤騫

柏中允蔡興宗正異云當作中丞注家云卽柏茂琳貞節起兵討逆時者
集所謂夔府柏都督也按新舊書帝紀及杜鴻漸在寧傳載茂琳貞節事
彼此互異今合而考之爲郭英乂之前重與崔旰戰敗于成都西門貞節
茂琳也以邛州牙將起兵討崔旰者柏貞節也英乂之敗郭英幹以都知
兵馬使爲左軍郭嘉琳以都虞侯爲後軍而茂琳爲前軍是時旰亦西山
都知兵馬使耳茂琳之官與三人相類頗可知茂琳敗英乂死而貞節復
自邛起兵與旰爲難柏氏實爲職志是故鴻漸至駱谷卽請授茂琳爲
邛南防禦使旰爲西山防禦使以兩解之旰入成都又請授旰爲西川節
度行軍司馬茂琳爲邛南節度使而貞節等爲本州刺史各令解兵方鎮
表云大曆元年置邛南防禦使治邛州尋升爲節度使未幾廢置劍南西
山防禦使治茂州未幾廢二使之置廢專爲旰與茂琳也舊書帝紀邛州
牙將誤書茂琳又帝紀不書授貞節刺史而鴻漸傳不書授茂琳節度故
先後踳駁也邛南節度旣廢史不書茂琳他除豈卽拜夔州都督乎上
表云就其小效復分派要察臣劍南區區恐失臣節如彼失臣節者旰也

日劔南區區則絲劔南而荆南可知也絲綸詩曰紛紛喪亂際見此忠孝
門深誠補王室戮力自元昆同心注師律酒血在戎軒奉公舉骨肉誅叛
經寒溫則豈非茂琳貞節出于門同心討肝之証乎杜又有柏二別駕
將中丞命詩云遷轉五州防禦使中丞蓋其兼官也茂琳以節度使遷夔州而貞
夔州都督當兼領防禦使中丞蓋其兼官也茂琳以節度使遷夔州而貞
節自牙將起兵遂授刺史此詩云方當節鉞用必茂琳非貞節也又既不
詳而通鑑尤爲闕
誤故詳辨之于此

聽楊氏歌

佳人絕代歌獨立發皓齒滿堂慘不樂響下清虛裏

一作浮雲裏

江城帶素月况乃清夜起老夫悲暮年壯士淚

如冰

玉盃久寂寞金管迷宮徵勿云聽者疲愚智心

盡死

古來傑出士一作事豈待一知己吾聞昔秦青傾側

天下耳

秦青

列子薛譚學謳于秦青張湛注二人之並秦國之善歌者

四自
有
六

江萬寶刀之光
亡而以用刀之人
何重筆法絕佳

荆南兵馬使太常卿趙公大食刀歌

太常樓船聲噉問兵刮寇趨陳作下牢楚地牧出令奔

飛百艘猛蛟突獸紛騰逃白帝寒城駐錦袍玄冬示

我國國刀壯士短衣頭虎毛憑軒拔鞘天為高翻風

轉日木一作水怒號冰翼雪淡傷哀猱鑄錯碧翬鸛鵲膏

鎡鏐一作巴瑩虛一作秋濤鬼物掀捩辭一作坑壕蒼水使

者捫赤條龍伯國人罷釣鼇芮公迴首顏色勞分間

救世用賢豪趙公玉立高歌起攬環結佩相終始萬

歲持之護天子得君亂絲與君理蜀江如線如針水

一作針荆岑彈丸心未已賊臣惡子休干紀魑魅魍魎

如水徒為耳妖腰亂領敢欣喜用之不高亦不庠不似長

劍須天倚吁嗟光祿英雄弭大食寶刀聊可比丹青宛轉麒麟裏光芒六合無泥滓

下牢

十道志三峽口地曰峽州上牢下牢楚蜀分畛鶴曰夔陵縣有下牢鎮與江陵相近

鷓鴣

鷓鴣雅註鷓鴣似

刀蒼水

搜神記秦時有人夜渡河見一人丈餘手橫刀而立叱之乃曰吾蒼水使者也

龍伯

列子龍伯之國有大人舉足不

盈數步而暨五山之

芮公

吳若本注以唐書考之恐是衛伯玉

荆岑

登樓賦蔽荆山之高岑

庫

射雉賦如輦如軒不高不庫注曰埤短也埤與庫古字通用

長劍

宋玉大言賦方地為輿圓天為蓋長劍耿耿倚天外

大

食

舊書大食本在波斯之西兵刀勁利其俗勇于戰鬪

王兵馬使二角鷹

悲臺蕭颯

一作蕭颯

石龍從哀壑杈枒浩呼

刊作

洶中有萬里

之長江迴風滔

陳作

日孤光動角鷹翻倒壯士臂將軍

玉帳軒翠

二云昂

氣二鷹猛腦徐侯穉

刊作條徐瑩趙云徐侯穉殊無理義介甫善本

作條徐壁
于理代然

目如愁。視天地。杉雞竹兔不自惜。溪虎

野羊俱辟。易韞上鋒稜。十二翻將軍。勇銳與之敵。將

軍樹勳起安西。崑崙虞泉入馬蹄。白羽曾肉三後倪。

敢決豈不與之齊。荆南芮公得將軍。亦如角鷹下耕

雲。惡鳥飛飛啄金屋。安得爾輩開其羣。驅出六合

泉鸞分

前半說鷹後半說將軍並推山為公得倚

角鷹

西陽雜俎雕角鷹等四月一日停放五月上旬置籠罩
雅鷹鵠二年之色也頂有角毛微起今通謂之角鷹翠氣耳

賦鷹羣氣宛延在其側而鵬之
高故羣氣宛延在其側而鵬之

愁

孫楚鷹賦深目蛾眉狀似愁口
魏彥深鷹賦立如植木望似愁

十二翻

傅玄鷹賦左看若側右視
如傾勁翻二六機連體輕後倪

爾雅後倪如貌猶
食虎豹注獅子也

狄明府

博濟一作
寄狄明府

梁公曾孫我姨弟。不見十年官濟濟。大賢之後竟陵

遲浩蕩古今同一體。比看叔伯四十人。有才無命百

寮底。今者兄弟一百人。幾人卓絕秉周禮。在汝更用

文章爲長兄。白眉復天啓。汝門請從曾翁公說。太后

當朝多巧詆。一作計狄公執政在末年。濁河終陳浩然本作中不污

清。濟國嗣初將付諸武。公獨廷諍守丹陛。禁中決冊

陳作請一作房陵前一作朝。長老皆流涕。太宗社稷一朝正。

漢官威儀重。昭洗時危始識不世才。誰謂荼苦甘如

薺。汝曹又宜列土一作食。身使門戶多旌榮。胡爲漂泊

岷漢間。干謁王侯頗歷抵。一作况乃山高水有波。秋風

蕭蕭露泥泥。虎之飢下斃。蟲蛟之橫出。清泚早歸來。

黃土泥衣。浩然本作黃汚人衣眼易眯。

決冊

舊唐書中宗自房陵還宮則天匿之帳中召仁傑以廣陵為言仁傑

賀既已奏曰太子還宮人無知者物議安審是非則天以為然乃復置中
宗于龍門具禮迎歸人情咸悅仁傑前後匡復奏對此數萬言北海太守
李邕撰為梁公
別傳備載其辭

秋風二首

秋風淅淅吹巫山上牢下牢修水關吳橋楚柁牽百

丈暖向神一作都寒未還要路何日罷長戟戰自青羗

連百一作蠻中巴不曾消息好賧傳成鼓長雲間

上牢下牢

唐志峽州西北二十八里有下牢鎮有黃牛山元和癸卯

移于步關壘其舊城因置鎮方輿勝覽下牢溪

百丈

百丈問之蜀人云

水峻岸石又多巖稜若用索牽遇石輒斷故勢竹為大婢以麻索連貫以
為牽具是名百丈南史朱超石傳宋武北伐超石董舟師入河陽軍人緣
河南岸牽百丈有漂度北岸者陸游入蜀記上峽惟用纜及百丈不復張
軌百丈以巨竹四破為之大如人臂予所乘千六百斛舟凡用纜六枝百

全長作詩凡致
一氣呼成自生
折

丈雨神都唐志光宅元年青羌水經注青衣縣故有青衣羌國也竹

車號東都曰神都導岷山青衣水來歸華陽國志天漢四年罷沈黎置兩部都尉一治白蠻

旄牛主外羌一治青衣主漢民郡國志漢嘉故青衣陽嘉二年改唐會要東謝蠻在黔州之西數百里北至白蠻

通鑑武德七年以白狗羌等地置維恭二州中巴方輿紀勝華陽國

牧以墊江以上為巴郡江州至臨江為永寧郡州志云劉璋為益州

總至魚復為固陵巴遂分矣巴州居其中為中巴秋風淅淅吹我衣東流之外西日微天清小城擣練

急石古細路行人稀不知明月為誰好早晚孤帆他夜歸會將白髮倚庭樹故園池臺今是非

也一作久雨期王將軍不至天山雨蕭蕭滯茅屋空山無以慰幽獨銳頭將軍

來何遲令我心中苦不足數看黃霧亂玄雲時聽嚴風折喬木

泉源冷冷雜猿狖泥滓漠漠飢鴻鵠歲

風折喬木泉源冷冷雜猿狖泥滓漠漠飢鴻鵠歲

暮窮陰耿未已。人生會面難再得。憶爾腰下鐵絲箭。
射殺林中雪色鹿。前者坐皮因問毛。知子歷險人馬
勞。異獸如飛星宿落。應弦不礙蒼山高。安得突騎只
五千。卒然眉骨皆爾曹。走平亂世相催促。一豁明主
正鬱陶。憶恨昔范增碎玉斗。未使吳兵着白袍。昏昏
闇闇閉氛祲。十月荆南雷怒號。

吳兵

呂蒙傳蒙至尋陽盡伏其精兵艤櫓中使白衣搖櫓作商賈人服此所謂吳兵着白袍也舊注引夫差侯景事俱謬

別李秘書始興寺所居

不見秘書心若失。及見秘書失心疾。安爲動主理信
然。我獨覺子神充實。神實作精重聞西方止觀經。老身古
寺風泠泠。妻兒待我作來且歸去。他日杖藜來細聽。

虎牙行

秋一作北

風歙吸一作歙

一作歙

吹南國。天地慘慘無顏色。洞庭揚波

江漢迴。虎牙銅柱皆傾側。巫峽陰岑朔漠氣。峰巒窈

窕谿谷黑。杜鵑不來猿狖寒。

一作啼

山鬼幽憂雪霜逼。楚

老長嗟憶炎瘴。三尺角弓兩斛力。壁立石城橫塞起。

金錯旌竿滿雲直。漁陽突騎獵青丘。因國鏖甲聞丹

極。八荒十年防盜賊。征戍誅求寡妻哭。遠客中宵淚

霑臆。

虎牙

水經江水又東歷荆門虎牙之間。注荆門山在南上合下開其狀似門。虎牙山在北石壁色紅間有白文類牙形。此二山楚之西塞

也。漢書注在今峽州夔陵縣東南江賊

銅柱

水經注江水又東逕漢平二百餘里左自治陵東出

虎牙嶺監以屹率荆門關城而盤礴

石東錫

錦樹行

今日苦短昨日休。歲云暮矣增離憂。霜凋碧樹待荆

行錦樹萬壑東逝無停留。荒戍之城石色古。東郭老

云作人住青丘。飛書白帝營斗粟。琴瑟几杖柴門幽。青荆

草萋萋盡枯死。天馬跂陳作與驥足隨羸牛。自古聖賢

多薄命。姦雄惡少皆封侯。一作封公侯故國三年一消息。終

南渭水寒悠悠。五陵豪貴反顛倒。鄉里小兒狐白裘。

生男墮地要膂力。一生一作生女富貴傾邦國。莫愁父母少

黃金。天下風塵兒亦得。

羸牛山海經荆山其中多羸牛注旄牛屬也黑色由西南徼外也音狸

生男一音來按郭云旄牛屬也其非即旄牛可知舊注引上林賦誤

傳玄豫章行云若相身爲女卑賤

難具陳男兒常門戶墮地自生神

赤霄行

孔雀未知牛有角，渴飲寒泉逢觝觸。赤霄玄圃須往來，翠尾金花不辭辱。江中淘河嚇飛鷺，銜泥却落羞華屋。皇孫猶曾蓮勺困，衛_{一作鮑}莊見貶傷其足。老翁慎莫怪少年，葛亮貴和書有篇。丈夫垂名動萬年，記憶細故非高賢。

孔雀

嶺南異物志：交趾郡人網捕孔雀，採其金翠毛，裝為扇拂。或全株生，截其尾為一物，云生取則金翠之色不減耳。

淘河

本草

鵜鶘一名淘河，胸前有兩塊肉，云昔人竊肉入河，所化故名。迷河

蓮勺

宣帝紀常用，于蓮勺鹵中。

衛莊

見左傳，成十七

年

貴和

陳壽定諸葛氏集目錄凡二十四篇，貴和第十一。

前苦寒行二首

漢時長安雪一丈，牛馬毛寒縮如蝟。楚江巫峽冰入

懷虎豹哀號又堪記秦城老翁荆揚客慣習炎蒸歲
絺綌玄冥視融氣或交手持白羽未敢釋

長安雪

西京雜記元封二年大寒雪深一丈野中鳥獸皆死牛馬踣蹢如蟬三輔人民凍死者十有二三

去年白帝雪在山今年白帝雪在地凍埋蛟龍南浦

縮寒飈

陳作

肌膚北風利楚人四時皆麻衣楚天萬里

英華無晶輝

作寶

三足之鳥足

英華

恐斷義和送將何所歸

一作

送送將安歸一作送之將安歸

後苦寒行二首

句法錯綜自目一曰次

南紀巫廬瘴不絕太古以來無尺雪蠻國長老怨苦

寒崑崙天關凍應

英華

折玄猿口噤不能嘯白鵠翅垂

眼流

出作

血安得春泥補地裂

南紀

舊注巫廬二山南國之綱紀也唐天文志李淳風撰法象志以天下山河分為兩戒北戒自積石終南負地絡之於東及太華踰河

並雷首底柱王屋太行北抵常山之右乃東循塞垣至歲新朝鮮是為北紀所以限口也南戒自岷山嶓冢負地絡之陽東極太華連商山熊耳外方崑崙自上下洛南踰江漢隄武當荆山至于衡陽乃東循嶺微達東甌至閩中是為南紀所以限蠻也故星傳謂北戒為口門南戒為越門

晚

來江門

作

失大水猛風中夜吹

英華

白屋天兵斬

斷

英華作

青海戎殺氣

南行動地軸不爾苦寒何太

其

一作

酷巴東之峽生凌澌彼蒼回軒

人得知

舊作制

刊作幹

晚晴

高唐暮冬雪壯哉舊瘴無復似塵埃崖沈谷沒白皚皚江石缺裂青楓摧南天三旬苦霧開赤日照耀從西來六龍寒急光徘徊照我衰顏忽落地口雖吟咏心中哀未怪及時少年子揚眉結義黃金臺

洎

陳作

乎

心

吾生何飄零支離委絕同死灰

復陰

方冬合沓玄陰塞。昨日晚晴今日黑。萬里飛蓬映天
過孤城。樹羽揚風直。江濤簸一作岸。黃沙走雲雪。埋山
蒼兕吼。君不見夔子之國杜陵翁。牙齒半落左耳聾。

夜歸

句：是夜令人惴惴可想

夜來歸來衝虎過。山黑家中已眠卧。傍見北斗向江
低。你看明星當空大。庭前把燭一作兩炬。峽口驚猿
聞一箇。白頭老罷舞復歌。杖藜不睡誰能那。

老罷

顧况集蜀俗呼子為阿父為郎罷此云老罷亦戲用蜀俗語也

寄栢學士林居

自國之反持干戈天下學士亦奔波歎彼幽棲載典

籍蕭然暴露依一作山阿青山萬里一作靜散地白雨一

洗空垂蘿亂代飄零余一作到此古人成敗子如何荆

揚春冬異風土巫峽日夜多雲一作雨赤葉楓林百舌

鳴黃泥一作野岸天雞舞盜賊縱橫甚密邇形神寂寞

其辛苦幾時高議排金門各使蒼生有環堵

天雞

鷄雅鶴天雞謝靈運詩天雞弄和風爾雅鷄亦有天雞楊文公談苑杜詩兩用天雞皆指鳥也

寄從孫崇簡

嵯峨白帝城東西南有龍湫北虎溪吾孫騎曹不騎

馬一作業學尸鄉多養雞龐公隱時盡室去武陵春樹

他人迷與汝林居未相失近身藥裏酒長携牧豎樵

童亦無賴莫令斬斷青雲梯

青雲梯

謝靈運詩情無同懷客共登青雲梯張湛列子注曰雲梯可以陵虛

奉酬薛十二丈判官見贈

忽忽峽中睡悲風

一作秋

方一醒西來有好鳥爲我下青

冥羽毛淨

一作盡

白雪慘澹飛雲汀既蒙主人顧舉翮唳

孤亭持以比佳士及此慰揚舲清文動哀玉見道發

新酬欲學鴟夷子待勒燕山銘誰重斷蛇劍

一作國重斬邪劍

致君君未聽志在麒麟閣無心雲母屏卓氏近新寡

豪家朱門

一作戶

局相如才調逸銀漢會雙星客來洗粉

黛日暮拾流螢不是無膏火勸郎勤六經老夫自汲

澗野水日泠泠我歎黑頭白君看銀印青卧病識山

鬼爲農知地形誰矜坐錦帳苦厭食魚腥東西兩岸

所

晉作岸

橫

水注滄溟碧色忽

苦作

惆悵

風雷搜百靈

空中石

一作

白虎赤節引娉婷

自云帝里

一作

女巽雨鳳

鳳翎襲王薄行跡莫學冷如丁

一作

千秋一拭淚

夢覺

有微響人生相感動金石兩青燐丈人但安坐休辨

渭與涇龍蛇尚格鬪酒血暗郊坰吾聞聰明主治

一作

國用輕刑銷兵鑄農器今古歲方寧

一作

文王日儉德

俊又始盈庭榮華貴少壯豈食楚江萍

斷蛇

吳若本注六朝邪用朱雲事斷蛇恐非人所所用按李賀寄懷
張揚微之詩云自言漢劍當飛去唐人使事無吝拘泥若此

醉爲馬墜諸公携酒相看

甫也諸侯老賓客罷酒酣歌拓金戟騎馬忽憶少年

時散蹄送落瞿塘石。白帝城門水雲外。低身直下八
千尺。粉堞電轉紫遊韁。東得平岡出天壁。江村野堂
爭入眼。垂鞭_{一作}鞚。凌紫陌。向來皓首驚萬人。自倚
紅顏能騎射。安知決臆追風足。朱汗驂驪猶噴玉。不
虞一蹶終損傷。人生快意多所辱。職當憂戚伏衾枕。
况乃遲暮加煩促。明_{一作}知來問腆我顏。杖藜強起依
僮僕。語盡還成開口笑。提携別掃清谿曲。酒肉如山
又一時。初筵哀絲動豪竹。共指西日不相貸。喧呼且
覆盃中淥。何必走馬來爲問。_{一作不爲身}君不見嵇康養生
遭_{一作被}殺戮。

別李義

神堯十八子十七王其門道國洎

一作及

舒國督

一作實

唯親

弟昆中外貴賤殊余亦忝諸孫文人嗣三葉

一作葉

之子

白玉溫道國繼德業請從丈人論丈人領宗卿肅穆

古制敦先朝納諫評直氣橫乾坤子建文筆壯河間

經術存爾克富詩禮骨清慮不喧洗然遇知己談論

淮湖奔憶昔初見時小襦

一作襦

繡芳蓀長成忽會面慰

我久疾魂三峽春冬交江山雲霧昏正宜且聚集恨

此當離樽莫怪執盃遲我衰涕唾煩重問子何之西

上岷江源願子少干謁蜀都足戎軒誤失將帥意不

如親故恩少年早歸來梅花已飛翻努力慎風水豈

惟數盤飧猛虎卧在岸蛟螭出無痕王子自愛惜老

夫困石根生別古所嘆發聲為爾吞

十八子

魏曰高祖二十子衛懷王玄霸楚哀王智雲皆先覺太子建

七王 道國舒國

道王元慶高祖第十六子舒王元明第十八子趙王

外孫也舊注云公自言此李同出商唐氏是何夢語察外祖祖母文曰紀

國則夫人之門而舒國則府君之外父外父者即外王父也公為舒國外

孫之外孫故云余亦

系諸孫趙注未詳 宗卿

道王元慶麟德元年薨諡曰孝子臨淮王諱

元年宗正卿卒子鍊開元二十五年襲封嗣道王廣德中官至宗正卿公

詩所謂丈人謂三集者微也困學紀聞云義蓋微之子是也宗室世系表

微下不載義

偶失之耳 爾克

送高司直尋封閬州

丹雀銜書來暮樓何鄉樹驂騑事天子辛苦在道路

司直非冗官荒山甚無趣借問泛舟人胡為入雲霧

與子姻婭間既親亦有故萬里長江邊邂逅一相遇

長卿消渴再公幹沈綿屢清談慰老夫開卷得佳句

時見文章士欣然淡

一作談

情素伏枕聞別離疇能忍漂

寓良會苦短促溪行水奔注熊羆咆空林游子慎馳

驚西謁巴中侯艱險如跬步主人不世才先帝常特

顧拔為天軍佐崇大王法度淮海生清風南翁尚思

慕公宮造廣厦木石乃無數初聞伐松柏猶卧天一

柱我瘦

一作病

書不成成字讀

一作字

亦誤為我問故人勞心

練征戍

赤雀

竹書春秋之甲子赤爵衛書及豐置干昌戶昌拜稽首受其文

巴中

華陽國志巴子後理閬中秦為巴郡地十道錄果聞

合三州同是漢巴郡之地

天軍

天軍即禁軍也天

君不見簡蘇侯

君不見道邊廢棄池君不見前者摧折桐百年死樹
中琴瑟一斛舊水藏蛟龍丈夫蓋棺事始定君今幸
未成老翁何恨憔悴在山中深山窮谷不可處霹靂
魍魎兼作狂風

死樹

使信縱連珠龍門死
樹尚似咸池之曲

贈蘇四侯

與縣昔同遊各云厭轉蓬別離已五年尚在行李中
戎馬日衰息乘興安九重有才何棲棲將老委所窮
爲郎未爲賤其奈疾病攻子何面黧黑不得豁心胸
巴蜀倦剽掠作下愚成土風幽薊已削平荒徼尚彎
弓斯人脫身來豈非吾道東乾坤雖寬大所適裝囊

空肉食嘔菜色少壯欺老翁况乃主客間古來偏側
同君今下荆揚獨帆如飛鴻二州豪俠場人馬皆自
雄一請其饑寒再請其養蒙

寄薛三郎中

據

人生無賢愚飄飄若埃塵自非得神仙誰免危其身
與子俱白頭役役常苦辛雖爲尚書郎不及村野人
憶昔村野人其樂難具陳藹藹桑麻交公侯爲等倫
天未厭戎馬我輩本常貧子尚客荊州我亦滯江濱
峽中一卧病瘡癘終冬春春復加肺氣此病蓋有因
早歲與蘇鄭痛飲情相親二公化爲土嗜酒不失真
余今委修短豈得恨命屯聞子心甚壯所過信席珍

上馬不用扶。每作扶必怒。噴賦詩賓客間。揮洒動八
垠。乃知蓋代手。才力老益神。青草洞庭湖。東浮滄海
濤。君山可避暑。况足采白蘋。子豈無扁舟。往復江漢
津。我未下瞿塘。空念禹功勤。聽說松門峽。吐藥攬衣
巾。高秋却束帶。鼓枻視青旻。鳳池日澄碧。濟濟多士
臣。新余病不能起。健者勿遽巡。上有明哲君。下有行化

大覺高僧蘭若

和尚去冬
往湖南

巫山不見廬山遠。松林一作蘭若秋風晚。一老猶鳴日
暮鐘。諸僧尚乞齋時飯。香爐峯色隱晴湖。種杏仙家
近白榆。飛錫去年啼邑子。獻花何日許門徒。

香爐

遠法師廬山記曰山東南有香爐山孤峯秀起游氣籠其上卽氛氲若烟氣

杜工部集卷之七

泰興縣李元益三友氏校

短言出語精
湛

杜工部集卷之八

虞山蒙叟錢謙益箋

古詩四十五首

居松陵公安及至湖南作

宿青溪驛奉懷張員外十五兄之緒

漾舟千山內。日入泊枉渚。我生本飄飄。今復在何許。
石根青楓林。猿鳥聚儔侶。月明游子靜。畏虎不得語。
中夜懷友朋。乾坤此深阻。浩蕩前後間。佳期付荆楚。

青溪

袁宇記青溪在峽州遠安縣南六十里源出青溪山下鬼谷先生傳云楚有青溪下深千仞其水靈異青溪驛當以此為名公出峽下荆州宿此故曰佳期付荆楚太白詩夜發青溪向三峽亦即此地也與地紀勝青溪驛在嘉州犍為縣恐地名偶同耳

敬寄族弟唐十八使君

與君陶唐後。盛族多其人。聖賢冠史籍。枝派羅源津。

在今氣磊落巧偽莫敢親介立實吾弟濟時肯殺身
物白諱受玷行高無污真得罪永泰末放之五溪濱
鸞鳳有鍛翮先儒曾抱麟雷霆霹長松骨大却生筋
一失不足傷念子孰自珍泊舟楚宮岸戀闕浩酸辛
除名配清江厥土巫峽鄰登陸將首途筆札枉所申
歸朝賜病肺叙舊思重陳春風洪濤壯谷轉頗彌旬
我能泛中流糖突鼉獺瞋長年已省施慰此貞良臣
族弟舊注甫自撰萬年縣君京兆杜氏墓誌云其先系統于伊祁分姓于唐杜范宣子曰祖自虞以上為陶唐氏在夏為御龍氏在商為豕韋氏在周為唐杜氏師古曰唐太原晉陽縣也杜京兆杜縣也清江清江施州郡九域志施與夔為鄰在夔之南三百餘里

憶昔行

憶昔北尋小有洞洪河怒濤過輕舸辛勤不見華蓋

君。艮岑青輝慘么麼。千崖無人萬壑靜。三步回頭五

步坐。秋山眼冷魂未歸。仙賞心違淚交墮。弟子誰依

白茅一作石室。盧老獨啓青銅鎖。巾拂香餘搗藥塵。階一作

除灰死燒丹火。玄圃滄洲莽空闊。金節羽衣飄婀娜。

落日初霞閃餘映。倏忽東西無不可。松風礧水聲合

時。青兕黃熊啼向我。徒然咨嗟撫遺迹。至今夢想仍

猶佐。一作左秘訣隱文須內教。晚歲何功使一作收願果更

討。一作見衡陽董鍊師。南浮一作游早鼓瀟湘柂。

小有茅君內傳。大天之內有玄中之洞三十六所。第一王屋山之洞。周

如得道者皆詣臺。是清虛之宮也。南岳夫人言。明日當落日落溪魚隱

諸王屋清虛宮。實字記王屋山在王屋縣北十五里落日詩話王屋

山中月西落。而人影或在西日東落。而人影或在東董鍊師六典道

不可致詰。故曰落日初霞閃餘映。倏忽東西無不可董鍊師士修所

其德高思精竭之傑師與地紀勝重奉先天寶中修九華丹
法于衡陽樓朱陵後洞杜南億昔行云更憶衡陽重鍊師

魏將軍歌

將軍昔着從事衫鐵馬馳突重兩銜被堅執銳略西
極崑崙月窟東嶄巖君門羽林萬猛士惡若哮虎子
所監五年起家列霜戟一日過海收風帆平生流輩
徒蠢蠢長安少年氣欲盡魏侯骨聳精爽緊隼嶽峰
尖見秋隼星纏寶校金盤隨夜騎天駟超天河攬槍
熒惑不敢動翠蕤雲旂相蕩摩吾爲子起歌都護酒
闌插劍肝膽露鈎陳蒼蒼風玄武武暮萬歲千秋奉
明主臨江節士安足數

東嶄巖

荆溪吳子良曰崑崙月窟在西南云東者謂將
軍署地至西方之極而崑崙月窟反在東也

星纏寶校

呂東萊注曰星經寶校金盤隨蓋馬裝也頗延年精白馬賦云目下金組兼飾丹腰寶校星經總章書布注云以金組丹腰飾其裝其如星霞之布又張平子東京賦龍輶華轡金鏤鏤錫方鉉左肅鉤附玉肅注蔡邕曰金鏤者馬冠也高廣各五寸上如玉華形在馬髦前鏤雕飾也當顧刻金以爲之詩鉤膺鏤錫所謂寶校此其具也第尊卑之制殊耳又古樂府白馬金具裝橫行遼水旁

天駟

天官書漢中四星曰天駟旁一星曰

王良旁八星

翠蕤雲旂

呂東萊注旂所交反旌旗旒也翠蕤雲旂皆絕漢曰天潢

子西京賦曰樓鳴鳶曳雲旂司馬相如子虛賦下摩蘭蕙上拂羽蓋錯翡翠之葢蕤注徐廣曰錯音措或作錯紛翠蕤

歌都護

樂府丁督護歌一曰阿都護唐志曰丁督護晉宋間曲也今歌是宋武帝所製云督護北征去前鋒無不平李白集作丁都護歌云一唱都護歌心

如雨

鉤陳甘泉賦注曰勾陳紫宮外營鉤陳星也水經注河南有鉤陳壘世傳武王伐紂八百諸侯所會處紫微有鉤陳之宿主闔

訟兵陳故遁甲攻取之法以所攻神與鉤陳并氣下制所臨之辰則決禽敵是以壘資其名矣隋志勾陳六星在紫微宮中故天子殿前亦有鉤陳所以

法天

玄武

漢志北宮玄武虛危其南有衆星曰羽林天軍軍西臨江爲壘晉志壁壘陣十二星在羽林北羽林之垣壘也

節士

宋陸厥有臨江王節士歌

北風

北風破南極朱鳳日威一作低垂洞庭秋欲雪鴻雁將安
歸十年殺氣盛六合人烟稀吾慕漢初老時清猶茹
芝

客從

客從南溟來遺我泉客珠珠中有隱字欲辨不成書
緘之篋笥久以俟公家須開視化為血哀今徵斂無

泉客

吳都賦泉室潛織而卷綃淵客慷慨而泣珠劉涓子注鮫人從水
中出曾寄寓人家積日賣綃臨去從主人家索器泣而出珠滿盤

以與
主人

白馬

白馬東北來空鞍貫雙箭可憐馬上郎意氣今誰見
近時主將戮中夜商一作傷於戰喪亂死多門嗚呼淚如

霰

商於

水經注丹水逕流南鄉兩縣之間歷於中之北所謂商於者也故張儀說楚絕齊許以商於之地六百里謂以此也鶴曰大曆三年二月商州兵馬使劉洽殺防禦使殷仲卿尋以平之夢弼曰謂臧玠殺崔瓘也

白鳧行

君不見黃鵠高于五尺童化為白鳧似一作老翁故畦

遺穗已蕩盡一作入寒歲一作暮波濤中鱗介腥羶素不食

終日忍飢西復東魯門鷄鵠亦踏蹬聞道如一作今猶

避風

朱鳳行

全是以意不說正意却高

君不見瀟湘之山衡山高山巔下圖本朱鳳聲一作嗷嗷

側身長頰求其羣一作翹垂口噤心甚勞一作下愍百鳥

在羅網黃雀最小猶難逃願分竹實及螻蟻盡使鳴
梟相怒號

此云爲衡州刺史陽濟討臧玠而作其說迂謬

惜別行送向卿進奉端午御衣之上都

蕭宗昔在靈武城指揮猛將收咸京向公一云向公亦衡伯王蓋內字轉

寫之泣血洒行殿佐佑卿相乾坤平逆國冥冥隨烟燼

卿家兄弟功名震麒麟圖一作畫鴻雁行紫極出入黃

金印尚書勲業超千古雄鎮荊州繼吾祖裁縫雲霧

成御衣拜跪題封向吳本端午向卿將命寸心赤青山

落日江潮白卿到朝廷說老翁漂零已是滄浪客

尚書

廣德元年衛伯玉拜江陵尹兼御史大夫荆南節度使尋加檢校工部尚書封陽城郡王此云鎮荊州知爲伯玉也繼吾祖者杜預

以鎮南大將軍都督荊州諸軍事也。向卿者尚書將命之人也。舊注尚書指向卿之父。向又云向秀繼杜預鎮荊州。唐人無所謂向瑒者。向秀在晉朝史稱其在朝不任職。客迹而已。安得有繼杜預鎮荊之事。舊注無稽。偶撰皆此類也。

醉歌行贈公安顏少府請顧八題壁

英華作贈公安縣顏少府

神仙中人不易得。顏氏之子才孤標。天馬長鳴待駕馭。秋鷹整翮當雲霄。君不見東吳顧文學。君不見西漢杜陵老。詩家筆勢君不嫌。詞翰升堂爲君掃。是日霜風凍七澤。烏鬣落照銜赤壁。酒酣耳熱忘頭白。感君意氣無所惜。一爲歌行歌主客。

一本云醉歌行主客英華同

顧文學

即顧八。小學也。舊註以爲顧況甚誤。

夜聞簾櫳

夜聞簾櫳滄江上。衰年側耳情所嚮。鄰舟一聽多感

傷寒曲三更歎悲壯積雪飛霜此夜寒孤燈急管復

風一作奔湍君知天地一作下干戈滿不見江湖一作湘行路難

簾簾杜氏通典感策本名悲果出于口中其聲悲東粵有以卷機皮爲之者亦出南蠻樂府雜錄感果者大樂也國樂亦名悲果有類于

也

發劉郎浦

挂帆早發劉郎浦疾風颯颯昏亭午舟中無日不沙

塵岸上空村盡豺虎十日北風風未迴客行歲晚晚

一作相催白頭厭伴漁人宿黃帽青鞋歸去來

劉郎浦吳若本注蜀先主納吳女處也呂溫詩云吳蜀成婚此水濱明珠步障握黃金誰將一女輕天下欲換劉郎曉時心十道

志劉郎浦在荊州江陵圖經在石首縣

別董頴

窮冬急風水逆浪開帆難士子甘旨闕不知道里寒
有求彼樂土南適小長安到別我舟楫去覺君衣裳
單素聞趙公節兼盡賓主歡已結門廬一作望無令霜
雪殘老夫纜亦解脫粟朝未餐飄蕩兵甲際幾時懷
抱寬漢陽頗寧靜峴首試考槃當念著白帽一作采薇
青雲端

鶴曰詩云急風逆浪蓋重自岳陽泝漢水而之鄧也又云老夫纜亦解公是時亦有適潭之期矣注續漢書消陽縣有小長安聚故城在今鄧州南陽縣南張叔卿流桂州詩口處不到處即是小長安

小長安

光武紀載于小長安

送重表姪王珣評事使南海

引詩深則秋

我之曾祖也始爾之高祖母爾祖未顯時歸爲尚書
婦也王珣隨朝大業末房杜俱交友長者來在門荒年自

天從前
如三親情
此當時盛
假半乃就評事
牙言之以見全旨
合離之感

湖江家貧無供給客位但箕箒俄頃羞頗珠一作顧羞寂
寥人散後入怪鬚髮空吁嗟爲之久自陳剪髻髮鬻
市充孟一作酒上云天下亂宜與英俊厚向竊窺數公
經綸亦俱有次問最少年虬髯十八九子等成大名
皆因此人手下云風雲合龍虎一吟吼願展丈夫雄
得辭兒女醜秦王時在坐真氣驚戶牖及乎貞觀初
尚書踐台斗夫人常肩輿上殿稱萬壽六宮師柔順
法則化妃后至尊均嫂叔盛事垂不朽鳳雛無凡毛
五色非爾曹往者固作逆乾坤沸嗷嗷吾客左馮翊
爾家同遁逃爭奪至徒步塊獨委蓬蒿逗留熱爾腸
十里却呼號自下所騎馬右持腰間刀左牽紫遊韁

家聲句迴顧前
文

結語有超然
高舉之意

飛走使我高苟活到今日寸心銘佩牢亂離又聚散
宿昔恨滔滔水花笑白首春草隨青袍廷評近要津
節制收英髦北驅漢陽傳南泛上龍舫家聲肯墜地
利器當秋毫番禺親賢領籌運神功操大夫出盧宋
寶貝休脂膏洞主降接武海國舶千艘我欲就丹
砂跋涉覺身勞安能陷糞土有志乘鯨鼇或驂鸞騰
天聊不作鶴鳴皋

王珪

新書珪始隱居時與房玄齡杜如晦善母李嘗曰而必貴但未知所與遊者何如人而試與偕來會玄齡等過其家李竊大驚勅具

酒食歡盡日喜曰二客公輔才汝貴不疑復齋漫錄房杜舊不與太宗相

武太宗起兵玄齡杖策謁軍門乃薦如晦珪則建成誅後始見召以史傳

參考詩為誤也西唐詩話以新唐書所載質之子美是詩則珪之婦杜非

其母李也且一婦人識真主于側微其事甚偉史闕而不錄是詩載之為

悉世號詩史信不誣也容齋隨筆珪與太宗非素交唐書載李氏事亦采

之小兒名也宋史亦載珪事不應不實且太宗朝宰相間無姓

三者真不可曉也趙便曰理與房杜肩輿唐會要命婦朝謁並不得乘轎子其尊屬年高特勅賜轎

子者不在此例紫遊韉韉音中典書太和中鄒下童謠曰青青御路楊白馬紫遊韉上瀧水經注武漢水又南入重山

謂之瀧中懸流迴注崩浪震山名之瀧水瀧水又南出峽謂之瀧口瀧水

又南逕曲盧宋大曆四年李勉除廣州刺史兼嶺南節度觀察使番禺賊帥馮崇道桂州叛將朱濟時阻洞為亂遣將招討

斬之五嶺平前後西域舶汎海至者歲繞四五絕性廉潔舶來都不檢閱

故末年至者四十餘代歸至石門停舟悉搜家人所貯南貨犀象諸物投

之江中耆老以為可繼前朝宋璟盧與李朝隱之徒人吏詣關請立碑代

宗許之詩所謂親賢大夫者謂李勉也夢弼以為重指王秋失之速矣

詠懷二首

騷鸞別賦駕鶴上漢騷鸞騰天

人生貴是男丈夫重天機未達善一身得志行所為

嗟余竟輒軻將老逢艱危國難逼神器逆節同所歸

河雒化為血公侯一作卿草間啼西京復陷沒翠蓋蒙塵

飛萬姓悲赤子兩宮棄紫微倏忽向二紀奸雄多是
非本朝再樹立未及貞觀時日給在軍儲上官督有
司高賢迫形勢豈暇相扶持疲茆苟懷策棲屑無所
施先王實罪已愁痛正爲茲歲月不我與蹉跎病于
斯夜看鄴城氣回首蛟龍池齒髮已自料意深陳苦

吳本
作苦詞

邦危壞法則聖遠益愁慕飄飄桂水遊悵望蒼梧暮
潛魚不銜鈎走鹿無反顧皦皦幽曠心拳拳異平素
衣食相拘閔朋知限流寓風濤上春沙千_十里侵_侵
江樹逆行少_直陳作吉日時節空復度井竈任塵埃舟航
煩數具牽纏加老病續細隘俗務萬古一死生胡爲

足名數多憂汙桃源拙計泥銅柱未辭炎瘴毒擺落
跋涉懼虎狼窺中原焉得所歷住葛洪及許靖避世
常此路賢愚誠等差自愛各馳驚羸瘠且如何魄奪
針灸屢擁滯僮僕慵稽留篙師怒終當挂帆席天意
難告訴南爲祝融客勉強親杖屨結託老人星羅浮
展衰步

桂水

水經注郴營縣也桂陽郡治也地理志曰桂水所出因以名也桂水出桂陽縣北界山應劭曰桂水出桂陽東北入湘湘水自桂陽

而來故云飄飄桂水

蒼梧

郭景純云長沙零陵古者總名其地爲蒼梧

葛洪

葛洪傳洪見天下已亂欲

避地南土乃參廣州刺史禰衡軍事及合遇害遂停南土多年後以許

靖

周志孫策東渡江皆走交州以避其難靖身坐岸邊先載附從親疎悉

發乃從後去既至交州太守士燮厚加敬待靖與曹公書曰若荆楚平

和王澤南至今得假途由荊州出

羅浮

羅浮山記羅羅山也浮浮山也二山合體謂之羅浮在增城博

羅二縣之境。裴淵廣州記。羅山隱天。啗石樓一路。特有閒遊者。少得平山際。大樹合抱。視之如薺菜。在地山之陽。有一小嶺。云薺菜邊。浮來者。見此。

名號

羅浮

送顧八分文學適洪吉州

中郎石經後。八分蓋憔悴。顧侯運鑪錘。筆力破餘地。

昔在開元中。

韓韓釋蔡有

同最最。玄宗妙其書。是以數

子至。御札早流傳。揄揚非造次。三人並入直。恩澤各

不二。顧於韓蔡內。辨眼工小字。分日示

英華

諸王。鈞深

法更秘。文學與我遊。蕭疎外聲利。追隨二十載。浩蕩

長安醉。高歌卿相宅。文翰飛省寺。視我楊馬間。白首

不相棄。驛騶入窮巷。必脫黃金轡。一論朋友難。遲暮

敢失墜。古來事反覆。相見橫涕泗。嚮者玉珂人。誰是

青雲器才盡傷形體骸病渴乃官位故舊獨依然卑

危話顛躓我井多病老子負憂世志胡爲困衣食顏

色少稱遂遠作辛苦行順從衆多意舟楫無根蒂蛟

龍好爲祟况兼水賊繁特戒風颺駛崩騰戎馬際一作險

往往殺長吏子下東諸侯勸作勸勉防縱恣邦以民爲

本魚餼費香餌請哀瘡痍深告訴皇華使使臣精所

擇進德知歷試惻隱誅求情回應賢愚與一作烈士惡

苟得俊傑思自致贈子猛虎行山郊載酸鼻

東觀餘論跋顧誠奢書呂肅公碑後云杜詩顧八分文學謂誠奢也觀其遺迹乃知子美非虛稱之碑首倒懸亦自倚古不獨八分可尚云西溪叢

語唐呂公表呂誼也元結撰前石經蔡邕傳世以經籍去聖久遠文字多繆俗儒穿鑿疑誤後學意平四

太子文學翰林待詔顧誠奢書年奏求正定六經文字靈帝許之邕乃自書冊子碑使工鐫刻立太學門外于是後儒晚學咸取正焉及碑始立其觀視及摹寫者車乘日千餘輛

填塞街陌書用本經注作書丹洪氏隸釋水經注云光緒六年立石于太
學其上悉刻蔡邕名魏正始中又刻古篆隸三字石經諸儒受詔在
平而碑成則光緒年也附志有一字石經七種三字石經三種其論云漢
鑄七經皆蔡邕書又云魏立一字石經其說自相矛盾新舊唐志有今字
石經七種而注論語云蔡邕作又有三字石經古篆西魏唐書以隸為
今字也觀道經字畫之妙非中郎輩不能為以黃初後碑刻比之相去不
啻霄壤豈魏人筆力可到當以水經為據三體
鳳凰 西京賦巨雲鳳凰
者乃後人所刻儒林傳者為篆隸二體者非也
御札 書苑唐明皇好圖畫工八分章草豐茂英特初張說為麗正殿
學士獻詩明皇自于彩箋上八分書讀所謂御札流傳者此也
張燕公等因獻賦詩上各賜贊褒美自于五色箋八分書之貴付院散付
學士金壺記明皇親書西嶽碑文刺史徐知仁上言曰親近彩筆寫在香
箋隨手生姿人神變態勢如飛動妙絕古今諒得自然豈因外物
次柳氏舊聞玄宗善八分書將命相先以御體書其姓名置案上

上水遣懷

我衰太平時身病戎馬後
踴躍多拙為安得不皓首
驅馳四海內童稚日餬口
但遇新少年少逢舊親友
低顏下色地故人知善誘
後生血氣豪舉動見老醜

窮迫挫曩懷常如中風走一紀出西蜀于今向南斗

孤舟亂春華草暮齒依蒲柳冥冥九疑葬聖者骨亦

朽蹉跎陶唐人鞭撻日月久中間屈賈輩讒毀竟

自取鬱没樂作二悲魂蕭條猶在否當翠清湘石逆行

雜林藪篙工密逞巧氣若酣孟酒歌謳互激遠樂作回

幹明受樂作授善一作知應觸類各藉穎脫手古來經濟

才何事獨罕有蒼蒼衆色晚熊挂玄蛇吼黃熊在樹

顛正爲羣虎守羸骸將何適履險顏益厚庶與達者

論吞聲混瑕垢

上水趙子標曰自岳之潭之衡爲上水自衡回潭爲下水舊注公以中

風走乾元二年入蜀大曆三年出蜀之楚至今五年拾十二年矣九疑朱叔元與彭寵書伯通疑山海經南方蒼梧之丘蒼梧之淵

舊中風狂走自捐蓋時九疑其中有九疑之山舜之所葬在長

沙零陵界中郭璞曰其山九峯皆相似故曰九疑古者
總名其地為蒼梧也文穎曰九疑半在蒼梧半在零陵
陶唐人曾注
和熊羆詩義熊能攀援上高樹見人則顛倒投地而
下也鄒子原熊說鹿畏麋麋畏虎虎畏熊

遣遇

磬折辭主人開帆駕洪濤春水滿南國朱崖雲日高
舟子廢寢食飄風爭所操我行匪利涉謝爾從者勞
石間采蕨女鬻菜一作市輸官曹丈夫死百役暮返空村
號聞見事畧同刻剝及錐刀貴人豈不仁視汝如莠
蒿索錢多門戶喪亂紛嗷嗷奈何黠吏徒漁奪成逋
逃自喜遂生理花時甘一作實縕袍

解憂

減米散同舟路難思共濟向來雲濤盤衆力亦不細

上集卷八
十一
呀坑一作執瞥眼過飛櫓本無帶得失瞬息間致遠宜
二作吮

恐泥百慮視安危分明曩賢計茲理庶可廣拳拳期
勿替

呀坑

夢弼曰呀坑乃灘口也趙曰呀坑名於坑如口之呀開者也

宿鑿石浦

早宿賓從勞仲春江山麗飄風過無時舟楫敢不一作敢
繫回塘澹暮色日沒衆星噦缺月殊未生青燈死分
駸窮途多俊異亂世少恩惠鄙夫亦放蕩草草頻卒
年繫有歲斯文憂患餘聖哲垂象繫

趙譜云發潭州泝湘宿鑿石浦過津口至空靈岸宿花石戍過衡山

早行

歌哭俱在曉。行邁有期程。孤舟似昨日。聞見同一聲。
飛鳥數一作散求食。潛魚亦一作向獨驚。前王作網罟。設法害
生成。碧藻非不茂。高帆終日征。干戈未一作興揖讓。崩迫

開

機作

其情

過津口

南岳自茲近。湘流東逝深。和風引桂楫。春日漲雲岑。
回首過津口。而多楓樹林。白魚困密網。黃鳥喧嘉音。
物微限通塞。惻隱仁者心。瓮餘不盡酒。膝有無聲琴。
聖賢兩寂寞。眇眇獨開襟。

津口

水經注江陵故城有江津戍北對大岸謂之江津口東晉曰江水至江津非方舟避風不可涉也故郭景純云濟江津以起風

次空靈岸

法法逆素浪落落展清眺幸有舟楫遲得盡所歷妙
空靈霞石峻楓栢一作隱奔峭青春猶無一作私白日亦
一作偏照可使營吾居一作終焉託長嘯毒瘴未足憂兵
戈滿邊徼嚮者留遺恨耻爲達人誚迴觀覲賞延佳
處領其要

夢弼曰空靈當作空舂刀筆誤耳水經注湘水縣北有空舂峽峽展會奔
瀘同三峽十道四番志湘水空舂峽水經注又云江水自建平至東界峽
盛弘之謂空舂峽峽甚高
峻即宜都建平二郡界也

宿花石戍

見所見而生感心是夙人遺旨

午辭空靈岑夕得花石戍岸疏開闊水一作木維今古
樹地蒸南風盛春熱西日暮四序本平分氣候何迴
互茫茫天造間理亂豈恒數繫舟盤藤輪策杖古樵

路罷人不在村野。圃泉自注柴扉。雖蕪沒農器尚牢。
固山東殘逆氣吳楚守王度誰能扣君門下令減征賦。

水經注湘水又北逕三石山東山桃側湘川此卽三石水口也水北有三石戍戍城爲二水之會也地理志潭州長沙有渌口花石二戍

早發

有求常百慮斯文亦吾病以茲朋故多窮老驅馳併
早行篙師急席挂風不正昔人戒垂堂今則奚奔命
濤翻黑蛟躍日出黃霧映煩促瘴豈侵顏倚睡未一作
醒僕夫問盥櫛暮顏一作靦青鏡隨意簪葛巾仰慚林
花盛側聞夜來寇幸喜囊中淨艱危作遠客干請傷
直性薇蕨餓首陽粟馬資歷聘賤子欲適從疑悞此

次晚洲

參錯雲石。稠坡。隨風濤壯。晚洲適知名。秀色固異狀。
棹經垂猿把。身在度鳥上。擺浪散帙妨。危沙折花當。
羈離暫愉悅。羸老反惆悵。中原未解兵。吾得終疎放。

花當

俞舜卿云危沙既險無他標識插花以當之非玉卮無當之當字也廣韻當底也今體詩云當苦沙崩損藥闌危沙易崩故折花以

爲之當此亦偶寫近打之景色也

望嶽

南嶽配朱鳥。秩禮自百王。歛吸領地靈。鴻一作所洞半炎

方。邦家用祀典。在德非馨香。巡守何寂寥。有虞今則亡。治作吾隘世網。行邁越瀟湘。渴日絕壁出。漾舟清

北霍山隨文帝朱鳥天宮書南宮朱鳥索隱曰南宮赤帝其精爲朱鳥

夏移于今所朱鳥也唐天文志星紀鶴尾以負南海其神主乎衡山

獎惑紫蓋荆州記衡山有三峰其一名紫蓋每見有變白鶴翔其上

位焉紫蓋一峰名石固一曰芙蓉長沙記衡山軒翔聳拔九十餘丈尊

早差次七十二峰最大者五芙蓉紫蓋石廩天柱祝融而祝融

爲最高樹蓋錄岳之諸峰皆朝于祝融獨紫蓋一峰勢轉東去魏夫人

顏真卿魏夫人仙壇碑銘夫人白日升晨北詣上清宮玉闕之下授夫人

玉札金文位爲紫虛玄君領土真司命南岳夫人比承仙公陶弘景真誥

所呼南真

卽夫人也

湘江宴餞裴二端公赴道州

白日照舟師朱旗散廣川羣公餞南伯肅肅秩初筵
鄙人奉末眷佩服自早年義均骨肉地懷抱罄所宣
盛名富事業無取愧高賢不以喪亂嬰保愛金石堅
計拙百寮下氣蘇君子前會合苦不久哀樂本相纏
交遊颯向盡宿昔浩茫然促觴激百慮掩抑淚潺湲

熱雲集曠黑

一作初集黑

缺月未生天。白團爲我破華燭。蟠

長烟。鵓鵒

一作鵓鵒一作鵓鵒

催明星。解袂從此旋。上請減兵甲。

下請安井田。永念病渴老。附書遠山巔。

鵓鵒

師古注子虛賦曰鵓鵒也。今關西呼爲鵓鵒。鹿山東謂之鵓鵒。俗名爲錯落錯落者亦言鵓鵒聲之急耳。又謂鵓鵒將鵓鵒。皆象其鳴也。

也

清明

著處繁花務

一作是

日長沙千人萬人出。渡頭翠柳

豔明眉。爭道朱蹄驕。齧鄰此都好。遊湘西寺。諸將亦

一作遠

自軍中至。馬援征行在眼前。葛強

一作方

心事金鎧

廣韻鎧與橙同

下山紅粉

一作日

晚牙檣。板枹青樓遠。古

山簡愛將也

親近同

時喪亂。皆可知。人世悲歡暫相遣。弟姪雖存不得書。

千戈未息苦離居逢迎少壯非吾道况乃今朝更

祓除

齧郝魏志未建平善相馬魏文帝將出取馬外入建平曰此馬今日死矣及將乘馬惡衣香驚齧帝郝帝怒遣殺之王子淵聖主得賢臣頌及至駕齧郝驂乘且應劭曰馬怒有餘氣常齧郝而行也孟康曰良馬低頭口至郝故曰齧郝

風雨看舟前落花戲為新句

江上人家桃樹枝春寒細雨出疎籬影遭碧水潛勾引風妬紅花却倒吹吹花困癰傍舟楫水光風力俱相怯赤憎輕薄遮入懷珍重分明不來接一作濕久飛遲半日高紫沙惹草細於毛蜜蜂蝴蝶生情性偷眼蜻蜓避百勞

岳麓山道林二寺行

星落花是舟前落花看字入妙

玉泉之南麓山殊道林林壑爭盤紆寺門高開洞庭

野殿脚插入赤沙湖五月寒風冷佛一作佛骨六時天樂

朝香爐地靈步步雪山草僧寶人人滄海珠塔劫宮

牆壯麗敵香一作香厨松道清涼一作榮俱蓮花一作興陳俱交響共

命鳥金榜雙迴三足鳥方丈涉海費時節玄圃尋河

知有無暮年且喜經行近春日兼蒙暄暖扶飄然斑

白身一作身奚適傍此烟霞茅可誅桃源人家易制度橘

洲田土仍膏腴潭府邑中甚淳古太守庭內不喧呼

昔遭衰世皆晦迹今幸樂國養微軀依止老宿亦未

晚富貴功名焉足圖久爲野一作謝客尋幽慣細學何一作何

顯免興孤一重一掩一作山吾肺腑山一作仙鳥山花吾友于

宋公之

放逐曾題壁物色分留與一作待老夫

岳麓

水經注湘水又北逕麓山東其山東臨湘川西傍原隰息心之士多所萃焉盛弘之荊州記曰長沙西岸有麓山其下有精舍左右

林嶺環回泉澗傍有礬石每至嚴冬其水不停霜雪宗溫徐靈期南岳記曰南岳周圍八百里回雁為首岳麓為足元和郡國志岳麓山在長沙縣

西南隔湘江水六里蓋衡山之足方輿勝覽又名雲麓峰乃岳山七十二峰之數自湘西古渡登岸夾徑喬松泉澗盤繞諸峰疊秀下瞰湘江岳麓

寺在山上百餘級乃至今名惠光寺下有李邑麓山寺碑

道林

方輿勝覽在岳麓山下距善化縣八里寺有四絕堂保大中馬氏建謂沈

傳師裴休筆札宋之問杜甫篇章治平間蔣穎叔作記乃為詮次以沈書歐書杜詩韓詩為四絕

赤沙湖

水經注澧水徑南安

縣又東與赤沙湖水會湖水北通江而南注澧謂之決口方輿勝覽赤沙湖與洞庭通

其命鳥

海錄羅氏書有共命鳥二首而

金鳥

輿地紀勝金鳥井在衡陽縣北二十里

橘洲

水經注湘水又北逕南津城西對橘洲或作吉字為南津洲尾水西

有橘洲子戌故郭尚存寰宇記橘洲在長沙西南四里江中時有大水洲渚皆沒此洲獨存湘中記諺曰昭潭無底橘洲浮

何顥

林

詩話何顥見凌漢黨銅傳與是詩之義不類當作周顥按南史周顥音離辨麗長干佛理著三宗論言空假義西涼州智林道人遺囑書深相贊美

于鍾山西立精舍休沐則歸之清貧寡欲終日長蔬雖有妻子獨處山舍公又曰何顥好不忘亦同此誤也案文選李善注引梁簡文帝草堂傳曰

汝南周顒昔經在蜀以蜀草堂寺林壑可懷乃于鍾嶺雷次宗學館立寺
因名草堂亦號山茨公以顒自喻言他日雖去蜀而周顒之興未忘也

奉送魏六丈佑少府之交廣

賢豪贊經綸功成空名

一作名

垂子孫不振耀

一作子孫
沒不振

歷

代皆有之鄭公四葉孫長大常苦飢衆中見毛骨猶

是麒麟兒磊落貞觀事致君樸直詞家聲蓋六合行

色何其微遇我蒼梧陰

一作野

忽驚會面稀議論有餘地

公侯來未遲虛思黃金貴

一作遺

自笑青雲期長卿久病

渴武帝元同時季子黑貂敝得無妻嫂欺尚爲諸侯

客獨屈州縣卑南游炎海甸浩蕩從此辭窮途仗神

道世亂輕土宜解帆歲云暮可與春風歸出入朱門

家華屋刻蛟螭玉食亞王者樂張游子悲侍婢艷傾

城綃綺輕

一作烟

霧霏掌中琥珀鐘行酒雙逶迤新歡繼

明燭梁棟

星辰飛兩情顧盼合珠碧贈于斯上貴見

肝膽下貴不相

一作見

疑心事披寫間氣酣達一作遠所爲錯

揮鐵如意莫避珊瑚枝始兼

一作無

逸邁興終慎賓主儀

戎馬聞天宇嗚呼生別離

別張十三建封

嘗讀唐實錄國家草昧初劉裴建首義龍見尚躊躇

秦王撥亂姿一劍總兵符汾晉爲豐沛暴隋竟滌除

宗臣則廟食後祀何疎燕彭城英雄種宜膺將相圖

爾惟外曾孫側儻汗血駒眼中萬少年用意盡崎嶇

相逢長沙亭乍問緒業餘乃吾故人不童卯聯居諸

揮手洒衰淚，仰看八尺軀。內外名家流，風神蕩江湖。

范雲堪晚一作結，友嵇紹自不孤。擇材征南幕，湖一作作落回。

鯨魚載感賈，生慟復聞樂。毅書主憂急，盜賊師老荒。

京都舊丘豈，稅駕大厦傾。宜扶君臣各有分，管葛本

時須。雖當霰雪嚴，未覺枯柏枯。高義在雲臺，嘶鳴望

天衢。羽人掃碧海，功業竟何如。

劉裴

劉文靜隋末為晉陽令遇裴寂為晉陽宮監因而結友引寂交于太宗得通謀議事見本傳

故人子

張建封充

州人父玢少豪俠安祿山反令偽將李庭偉率番兵角下城邑玢率鄉豪集兵殺之太守韓擇木方遣使奏聞玢流瀋江南不言其功公父為兗州

司馬當以趨庭之日與玢遊也范雲雲本傳雲好節尚奇專趨人之急少時與領軍長史王嘏善嘏亡于官舍貧無居宅雲乃扶喪還家

躬營嵇紹康臨誅謂其子紹曰征南大曆初道州刺史裴虬遣建封

哈殞嵇紹巨源在汝不孤矣征南于觀祭使韋之晉辟為參謀奏授左清道兵曹乃

不樂吏役而去

暮秋枉裴道州手札率爾遣興寄近呈蘇煥侍

御

久客多枉友朋書素書一月凡一束虛名但蒙寒濕
問泛愛不救溝壑辱齒落未是無心人舌存耻作窮
途哭道州手札適復至紙長要自三過讀盈把那須
滄海珠入懷本倚崑山玉撥棄潭州百斛酒蕪沒
滯岸千株菊使我晝立煩兒孫令我夜坐費燈燭憶子
初尉永嘉去紅顏白面花映肉軍符侯印取豈遲紫
燕綠耳行甚速聖朝尚飛戰鬪塵濟世宜引英俊人
黎元愁痛會蘇息園狄跋扈徒逡巡授鉞築壇聞意
旨顏綱漏網期彌綸郭欽上書見大計劉毅答詔驚

羣臣他日更僕語不淺。明公論兵氣益振。頃幸請管

黑

一作理
制作動

白髮。舞劍霜雪吹青春。宴筵曾語蘇李後。

來傑出雲孫比。茅齋定王城郭。門藥物楚老漁商市。
市北肩輿每聯袂。郭南抱甕亦隱几。無數將軍西第
成。早作丞相東山起。鳥雀苦肥秋粟菽。蛟龍欲蟄寒
沙水。天下鼓角何時休。陣前部曲終日死。附書與裴
因示蘇此生。已媿須人扶。致君堯舜付公等。早據要
路思捐軀。

荅

百斛酒

荆州記長沙郡酃縣有酃湖周廻三里取湖水爲酒酒極甘美
水經注縣有酃湖湖中有洲洲上民居彼人資以給釀酒其醪

美謂之酃酒歲常貢之湖邊尚有酃縣故治又酃縣有綠水出縣東侯公
山西北流而南屈注于耒謂之耒鄉溪郡置酒官釀于山下名曰耒酒獻
同鄉也元和郡國志晉武帝
平吳爲酃酒于太廟是也初尉賢題名有河東裴蚪字深原大曆四

年為著作郎兼侍御史道州刺史蔣之奇武昌怡亭序云怡亭銘乃永泰元年李陽休篆李荅人分書而裴蚪作銘劉長卿有過裴蚪郊園詩曰軍符係取等之選紫燕綠耳行甚速郭欽曰戎狄羗蠻歷古為患今西北

謂本年之調由尉而至千刺史也郭欽曰戎狄羗蠻歷古為患今西北郡皆與戎居若百年之後有風塵之警口斷自平陽上黨不三日而至劉

毅見晉書劉毅傳答定王城水經注蘇林曰青陽長沙縣也漢高祖武帝比桓靈語五年以封吳芮為長沙王是城即芮築

也景帝二年封唐姬子發為王都此寰宇記定王廟西第馬融傳又作大在長沙縣東一里廟連閣高一丈俗謂之定王岡將軍西第領

奉贈李八丈判官

我丈時英特宗枝神堯後珊瑚市則無驂驥人得有
早年見標格秀氣衝星斗事業富清機官曹正獨守
頃來樹嘉政皆已傳眾口艱難體貴安允長吾敢取
區區猶歷試炯炯更持久討論實解頤探割紛應手
篋書積諷諫宮闕限奔走入幕未展材作懷秉鈞孰為

偶所親問淹泊泛愛惜衰朽垂白亂作南翁委身有
北叟真成窮轍鮒或似喪家狗秋枯洞庭石風颯長
沙柳高興激荆衡知音爲迴首

南翁

虞般佑高士傳南公者楚人埋名藏用世莫能識居國南鄙因以爲號著書言陰陽事

北叟

幽通賦北叟

高允塞上公亭詩序曰延和三年余赴京師發石門北行失道夜寓宿代之快馬亭其俗云古塞上公所遺之邑也公有良馬因以命之代人云塞上公姓李代之李氏並其後也

歲晏行

歲云暮矣多北風瀟湘洞庭白雪

一作雪

中漁父天寒網

罟凍莫徭射雁鳴桑弓去年米貴闕軍食今年米賤

大傷農高馬達官厭酒肉此輩杼軸茅茨空楚人重

魚不重鳥

一作

汝休枉殺南飛鴻况聞處處鬻男女割

慈忍愛還租庸往日用錢捉私鑄今許三鉛錫和青
銅刻泥爲之最易得好惡不合長相蒙萬國城頭吹
盡角此曲哀怨何時終

莫徭

隋地理志長沙郡雜有口番名曰莫徭自言其先祖有功常免徭役故以爲名常衰草江南西道觀察劉少游制曰都團練觀察處

置莫徭使莫徭江湖獵手不他徭劉長卿連州贈曰觀莫徭獵詩云莫徭自生長名字無符籍市易雜蛟人婚姻通水客廣興記關州莫徭以獵爲事私鑄舊書張九齡初知政事奏請不禁鑄錢令百官詳議以爲不便得私鑄惡者五文假託官錢將入京私用費銀錫古文變壞之類每貫重不過三四斤接高宗嘗謂侍臣私鑄過多知開荆潭宣衡犯法尤甚遂有將船筏宿于江中所部官人不能覺察公時居荆衡間故作此詩

人日寄杜二拾遺

高適

人日題詩寄草堂遙憐故人思故鄉柳條弄色不忍
見梅花滿枝空一作堪斷腸身在南一作速蕃無所預心懷石

憂復千慮今年人日空相憶明年人日知何處一
卧東山二一作三十春豈知書劍與一作老風塵龍鍾還一作遠忝
二千石媿爾東西南北人

追酬故高蜀州人日見寄

并序

開文書帙中檢所遺忘因得故高常侍適往居在
成都時高任蜀州刺史人日相憶見寄詩淚洒行
間讀終篇末自枉詩已十餘年莫記存歿又六七
年矣老病懷舊生意可知今海內忘形故人獨漢
中王此作聖瑤與昭州敬使君超先在愛而不見情見
辭此作曆五年正月二十一日却追酬高公此作
因寄王及敬弟

自蒙一作蜀州人日作不意清詩久零落今晨散帙眼

忽開一作明一作泣幽吟事如昨嗚呼壯士多慷慨合沓高

名動寥廓歎我悽悽求友篇感時鬱鬱匡君略錦里

春光空爛熳瑤墀待臣已冥冥瀟湘水國傍龍鼉鄴

杜秋天失鵬鶚東西南北更誰一作堪一作論白首扁舟病獨

存遙一作拱北辰纏寇盜欲傾東海洗乾坤邊塞西蕃

最充斥衣冠南渡多崩奔鼓瑟至今悲帝子曳裾何

處覓王門文章曹植波瀾闊服食劉安德業尊長笛

誰能一作亂愁思昭州詞翰與招魂

鼓瑟遠遊二女御九韶歌使湘靈鼓瑟兮補注上長笛向子期思舊

笛首發聲寥亮追思曩昔遊宴之好感音而歎

者遊宴之好感音而歎

蘇大侍御訪江浦賦八韻紀異

并序

蘇大侍御渙靜者也。旅于江側，凡乃作是不交州府之客。人事都絕久矣。肩輿江浦，忽訪老夫。舟櫂而巳。茶酒內，余請誦近詩，肯吟數首。才力素壯，詞句動人。接對，明日憶其湧思，雷出書篋，几杖之外，殷殷留金石聲賦八韻，記異亦見。老夫傾倒于蘇至矣。

龐公不浪出，蘇氏今有之。再聞誦新作，突過黃初詩。

乾坤幾自云反覆，楊馬宜同時。今晨清鏡中，勝食齋房

芝。余髮喜却變白，間生一作黑絲。昨永作夜舟火滅，一作接湘

娥。簾外悲百靈，未敢刊作散風破波作寒江遲。

蘇渙

南部新書蘇渙本不平者善放白營巴中號爲孝節實人患之比壯年後自知非變節從學和賦擢第累遷至侍御史佐湖南幕崔

璿山永遇言遂膺嶺南勳哥舒見跋扈交廣作變伏謀有變律詩十九首上康帥李公唐人謂渙詩長于諷刺得陳拾遺一鱗牛甲余觀其詞氣頗顧如此固可見其胸中矣于美逆旅相遇美其能詩又以龐公比之此過情之譽也權德輿南兗郡王伊嶼神道碑大厝中嶺南將哥舒見作亂晃謀主蘇渙屯據要害詔公討之明年十月斬晃渙泚溪捐其首以徇

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一憔悴
嗚呼已十年儒服弊于地征夫不遑息學者淪素志
我行洞庭野歎得文翁肆僉僉胄子行若舞風雪至
周室宜中興孔門未應棄是以資雅才渙然立新意
衡山雖小邑首唱恢大義因見縣尹心根源舊宮闕
講堂非曩構大屋加塗墍下可容百人牆隅亦深邃

何必三千徒始壓戎馬氣林木在庭戶密幹疊蒼翠
有井朱夏時轆轤凍階砌耳聞讀書聲殺伐災鬢髭
故國延歸望衰顏減愁思南紀收陳作波瀾西河共風
味采詩倦跋涉載筆尚可記一帝高歌激宇宙凡百
慎失墜

慧紫微

公羊注曰天下血書魯端門曰周姬大華東出東家雜記二經
既成孔子齊戒面北斗而拜告備于天紫微于是降光于講堂文

翁肆

華陽國志文翁立講堂作石室一曰玉堂在
城南初堂遇火太守更修立又增二石室

入衡州

真叙事老手也曲折頓挫全以神行

起叙

兵革自久遠興衰看帝玉漢儀甚照耀
老將一失律清邊生戰場君臣忍瑕垢
河岳空金湯重鎮如割據輕權絕紀綱
軍州體不一寬猛性所將

卷四對句而訓
舊別成一体

嗟彼苦節士素于圓鑒為寡妻從為郡元者安堵牆
凋弊惜邦本哀矜存事常旌麾非其任府庫實過防
怨怒已獨在此多憂增內傷偏裨限酒肉卒伍單衣
裳元惡迷是似聚謀謀洩康莊竟流帳下血大降湖
南殃烈火發中夜高烟焦上蒼至今分粟帛殺氣吹
沅湘福善理顛倒明徵天莽茫銷魂避飛鏑累足穿
豺狼隱忍枳棘刺遷延胝趺瘡遠歸兒侍側猶乳女
在旁久客幸脫免暮年慙激昂蕭條向水陸汨沒隨
魚商報主身已老入朝病見妨悠悠委薄俗鬱鬱回
剛腸叅錯走洲渚春容轉林篁片帆左郴岸通郭前
衡陽華表雲鳥埤名園花草香旗亭壯邑屋烽櫓蟠

城隍中有古剎。始盛才元。巖廊扶輿。待柱石。獨坐飛
風霜。昨者開瓊樹。高談隨羽觴。無論再繚繞。已是安
蒼黃。劇孟七國畏。馬卿四賦良。門闌蘇生在。御漢勇
銳白起強。問罪富形勢。凱歌懸否臧。氛埃期必掃。蚊
蚋焉能當。一作井舊地宅仙山。引舟航。此行厭暑雨。
厥土聞清凉。諸舅剖符近。開緘書札光。頻繁命屢及。
磊落字百行。江摠外家養。謝安乘興長。下流匪珠玉。
擇木羞鸞鳳。我師嵇叔夜。世賢張子房。彼像柴荆寄樂
土。鵬路觀翔翔。

大曆五年二月。潭州刺史崔瓘為其兵馬使臧玠所殺。玠
據潭州為亂。湖南將王國良因之而反。公避地入衡州。
失律 謂哥舒

潭州 也 **苦節** 雖以士行聞。終職清議。選潭州刺史。政在簡肅。恭守禮法。終
吏自經時數。久不奉法。多不便之。大曆五年四月。會月給糧。

備兵馬使賊介與判官達奚觀忿爭觀曰今幸無事玠曰有事何逃厲色而去是夜玠遂攜亂犯州城以殺觀為名瑋遠走逢玠兵至遂遇害

問罪禮州刺史楊子琳道州刺史裴地宅後漢志注郴縣南十數里有馬嶺山山有仙人蘇耽

增水經注黃帝東有馬嶺山漢陽有郡民蘇耽相遊此山後見耽乘白馬還此山中百姓為立壇祠元和郡國志馬嶺山在縣東北五里蘇耽舊宅在郴州東半里

諸舅書舊言曰樹井在郴州諸舅謂從傳前有送江城餘迹猶存

總江總傳總七歲而孤依于外氏幼聰敏有至性舅吳平光侯蕭勸名重當時特所鍾愛

舟中苦熱遣懷奉呈楊中丞通簡臺省諸公

媿為湖外客看此戎馬亂中夜混黎叱脫身亦奔竄

遇賊介之亂入衡州平生方寸心反掌常作帳下難嗚呼殺賢良不

叱白刃散吾非丈夫特沒齒埋冰炭耻以風病辭胡

然泊湘岸入舟雖苦熱垢膩可漑濯痛彼道邊人形

骸改昏且中丞連帥職封內權得按身當問罪先縣

實諸侯半士卒既輯睦啓行促精悍似聞上游兵稍
逼長沙館鄰好彼克脩天機自明斷南圖卷雲水北
拱戴霄漢美名光史臣長策何壯觀驅馳數公子咸
願同伐叛聲節哀有餘夫何激衰懦偏裨表三上鹵
莽同一貫始謀誰其間迴首增憤惋宗英李端公守
職甚昭煥變通迫脅地謀畫焉得筭王室不肯微凶
徒畧無憚此流須卒斬神器資強幹扣寂豁煩襟皇
天照嗟嘆

始謀

通鑑臧玠之亂澧州刺史楊子琳起兵討之取賂而還初崔旰殺

郭英又子琳起兵討旰杜鴻漸各授官以和解之及子琳攻旰敗還縱兵浩變衛伯玉請于朝以爲峽州團練使及臧玠殺崔璦子琳聲言問非取賂而還公詩所謂偏裨表三上鹵莽同一貫始謀誰其間迴首嗟

憤惋者合前後三叛言之也始謀蓋追論鴻漸伯玉故曰迴首

李端公

姜弼曰謂李勉也按是時勉在廣州方招討番禺賊帥及桂州叛將未聞起兵討賊弼也

聶圭陽以僕阻水書致酒肉療飢荒江詩得代
懷興盡本韻至縣呈聶令陸路去方田驛四十
里舟行一日時屬江漲泊于方田

耒陽馳尺素見訪荒江眇義士烈女家風流吾賢紹

昨見狄相孫許公人倫表前期

刊作朝

翰林後屈跡縣邑

小知我碍湍濤半旬獲浩淼

浩玉篇以沼切上林賦浩淼演漾

麾下殺元

戎湖邊有飛旄孤舟增鬱鬱僻路殊悄悄側驚猿猱

捷仰美鶴鶴矯禮過宰肥羊愁當置清醪人非西喻

巖興在北坑趙方行柳岸靜未話長沙擾崔師乞已

至遭卒川矜少問罪消息真開顏憇亭沼

開猶侍御漢乞師于洪府師已

至袁州北楊中丞琳問罪

將士自體上達長沙矣

未陽

元和志因未水在縣東為名

清醪

曹植酒賦其味有宜城醪醪

清酒名也蜀都賦醪以清醪

本傳甫游湘流游衡山寓居未陽嘗游岳廟為暴水所阻旬日不得食未陽縣令知之自俸舟迎甫而還明皇難錄杜甫客未陽遊岳祠大水速至涉旬不得食縣令具舟迎之令嘗醪先采白酒後漂萬湘潭間驛旅憔悴于衡州未陽縣頗為令長所厭甫投詩于宰宰遂致牛炙白酒以遺甫甫飲過多一夕而卒集中猶有題未陽詩也

王彥輔摩史世言子美卒于衡之未陽寢字記亦載其父在縣北二里唐新書稱未陽令遺白酒黃牛一夕而死予觀子美僑寄巴峽三歲大曆三年二月始下峽流寓荆南徙泊公安久之方次岳陽即四年冬末也既過洞庭入長沙乃五年之春四月遇賊玢之亂倉皇往衡陽至未陽舟中伏枕又畏瘴復沿湘而下故有回櫂之作又登舟將適漢陽云秋帆催客歸蓋自濯在夏末此篇已入秋矣又繼之以暮秋將歸秦留別湖南幕府親友詩則于美北還之迹見此三篇安得卒于未陽耶以元微之墓誌及呂汲公詩譜考之其卒當在潭岳之交秋冬之際但詩譜云是年夏卒則非也韓曰謝聶令詩云興盡本韻又且宿留驛近山亭若果以飲死豈能為是長篇又復游慈山亭以詩証之其誣明矣

笑曰舊考不傳尚遊衡山寓居耒陽啗牛肉白酒一夕而卒于耒陽人猶
墓誌扁舟下荆楚間竟以寓卒旅殯岳陽公卒于耒陽殯于岳陽史誌皆
可考據自呂汲公詩譜不明旅殯之義以謂是年夏還襄陽卒于岳陽于
是王得臣魯嘗黃鶴之徒紛紛聚訟謂子美未嘗卒于耒陽又牽引同罹
等語以爲是夏還襄陽之証按史崔旰殺郭英父楊子琳攻西川蜀中大
亂甫以其家避亂荆楚扁舟下峽此大曆三年也是年至江陵移居公安
歲暮之岳陽明年之潭州此于詩可考也大曆五年夏還襄陽之亂入衡
州史云泝沿湘流游衡山寓居耒陽以卒明皇雜錄亦與史合安得反據
詩譜而疑之其所引舟歸秦諸詩皆四年秋冬潭州詩也斷不在耒陽
之後回櫂詩有衡岳蒸池之句蓋五年夏入衡苦其炎暘思回櫂爲襄陽
之游而不果也此詩在耒陽之前明矣安可據爲北還之証乎以詩考之
大曆四年公終歲居潭而諸譜皆言是年春入潭旋之衡夏畏熱復還潭
則又誤認回櫂詩爲是年作也作年譜者必見指度遂當筆而書之其不
可爲典要如此吾斷以史誌爲証曰子美三年下峽由江陵公安之岳四
年之潭五年之衡卒于耒陽殯于岳陽其他支離傳會盡削不觀可也當
逆旅憔悴之日涉旬不食一飽無時牛肉白酒何足以爲治病而難然起
爲公諱若夫劉芥之據遺小說韓退之李元賓之爲詩爲傳三
尺童子皆知笑之而諸人互相駁正以爲能事又何足道哉
近代有爲杜工部耒陽祠堂記者大畧曰子美由潭塘下江陵登岳陽樓
覽衡岳抵耒陽適江水暴漲有詩于葦令令饋以牛肉白酒因飲死爲
謫所漂健得所遺輶因壘土築虛塚瘞之解纜有詩云蔡倫池上霧如
村老祠前秋日黃爲問龍洲江上水流船三日到衡陽按此則杜陵之歿

不特以牛肉白酒并惟汨羅之醑矣然則元誌所謂旅殯岳陽者何表而
四十年後嗣業所葬者又何稱耶大抵賢者所在人各引以爲重不勝表
陽自葬于美之遺軀亦不足置辨也又宋陽縣誌
墓祠在縣治北郭外二里來江左畔祠陽觀之西

杜工部集卷之八

季八士南宮氏校